

小謨觴館續集

小謨觴館文續集卷第一

鎮洋

香墅漫鈔序

昔晉獻王俗書輒手刊其謬而益邢劭又有曰世襲書之言
道若不侔其爲實事求是則一也自輕材庸受苟且麗略於
是策爲八十宗鴿爲人日鳥杖杜伏獵弄墨蹲鴟趙肖齊立
壯月牡丹麻沙父釜唐本屯毛重怪貽繆夏僕難數文籍先
生儒林祭酒辯正紕紊篇秩叢興有唐以來若顏師古李匡
父邱光庭之屬嗃矢於前洪邁程大昌高似孫王楙之徒推
波於後是皆說部之權輿稽鏡之淵藪所謂議官之櫟家也
國朝通儒輩出若亭林潛邱湛園義門諸家各有成書津逮
靡旣數十年來摘詞之士本原或疎研經之流迂鑿不免至

於說文廣雅之學近雖不乏專家然欲其統括四部勒成一編不求宏深不尙剗闢匡正俗詁家喻戶曉蓋轉鈔其書焉南城曾香墅先生今之劉公是王深寧也所著漫鈔續鈔又續三編薈萃羣典抉剔訛互別風淮雨丁尾鉤鬚柳荝桃萊犬臺黍壹其辨似若簞汜畫塗其決疑若繁絲斷刃意行歧旁揭槩以表之昏索暗室炳燭以朗之碎細分擘切截纖顆所惑鏡澈所矇煥發揚子雲有言多聞守之以約多見守之以卓若是書者約矣卓矣夫凡將湧喜久佚其篇无旡支文易淆其訓誠得斯秩懸之州閭非小學之指南言音之藻鏡乎先生閱覽錢詹事述之先生志行吳庶子詳之漣猶末學復何所言屬委弁端謝不獲已蠡測所及復覩縷如此若夫向朗校書精於毫齒張蒼爰歷成於期頤先生味道養和箸

饌未艾有若衛武懿戒呂望丹箴異日簡末附名猶將泚筆
俟之已

畱春州堂圖序

畱春州堂者汀州伊墨卿太守自題其讀書之廬而卽以名
其詩集也夫四序代嬗惟春爲喜贏萬物棣通以春爲德始
古之閔儒魁壘君子駿雄往往體冲氣於穆清樂仁化之普
被和淖羣動開發德意三朝之正旣慶六義之蘊用宣於以
樹宏猷申藻詠所謂欣喜歡愛樂之官也太守疏照鼎門翔
輝潭際歸藏樸學勤肄習於暄辰浴沂高情契襟靈於上哲
柘湖波暖遙和汜人之歌蘭葉煙開旋賦月鐙之會入華林
而簪筆侍披香而薰衣蓬蓬自遠妍華生於楮豪熙熙在顏
芳芬馥於齋閣崔瞻父子雲龍人日之詩王融文章曲水三

月之序固已敝葩落藻若庶卉之含英宮下商高應條風之吹律矣而以畱春名其堂則意有深焉蓋時方策名瑣闥持憲雲司展鬼薪白粲之書秋荼網密判北寺黃門之牘夏日威嚴獨以慈祥寄其矜惻下虛鐐士則寒谷成暄上體

帝心則繁霜變露蘇幽局於泉底滿生意於胷中紂絕陰宮之地永貽青陽天街析木之間常溫園灼於是鹿柴羣圖鷺溪裂絹岸鋪島織草芳木妍煙嵐媚景而啟顏雲物烘晴而決眚殆將密贊化育內諧恬曠矣乎雖然開元含和者氣久而彌醇宣風展義者澤敷而逾遠太守出臺省典名都彤帷所至喻東風之變枯丹忱所孚方膏雨之養瘠魚頭赤子援以登臺鶴膝囂風教之馴耜將使杏花菖葉綿煥沐於蒼靈綵幟青旗迂蕃釐於富媪况復劉樊儷體承眉耆之親顏江

鮑齊鑣領煙花之城郭春暉未艾春祺方來於以頒春令進
春觴嘔呷醞釀曠義湧仁羣生嚙嚙以迎禧萬彙昌昌而薦
祉豈徒眷三重之屋笑兀眼前成一尺之集長留天地已哉
我澤如春寓諸縑素善人得位常作歲星世有同祈予言爲
券

湘頌樓詞序

溧陽史君伯劭鍾巫洮之淑靈席蕭邴之門業神智夙湛瑋
甄湧流歲路未強已冠孝秀元黃葩藻卓犖軒翥顧所篤嗜
尤在歌詞蓋其珠玉抱質芬芳入懷耀豔潑華於騷爲近於
是練昏研曉爽爽淒淒靈妙所寄意象斯超珊瑚枝海月入其
幽襟湘江暮煙疑覩嫋嫋態愴愴惻惻之旨夷靡案衍之音旣
根性真遂成絕詣匪特紹嗣家法闡南渡祖風而已夫鯨夔

喧肆不如玄絃之感心熊豹羅几未若石華之悅口情動於中而形於聲聲成文謂之樂是亦威鳳一羽足驗五德者矣君今者漳濱臥疾周南畱滯息子勝斐然之志抱孝章永年之憂論者方惜其摧撞拂鬱沈落英耀不得廢咸莖第雅頌而君獨流連寸卷冰雪自攜二三素心諄復揚摧其負懷孤寄非復塵想能窺羸其身昌其藝蕭聊惚恍曠矚昭晰羸縮有數光采靡窮以視金石雲陛爛聲炫辭慧業所存或不以彼易此也

邗上雲萍集序

夫跡之所寄而情寓焉意之所感而詞發焉淺夫蒙心罔識羣怨雖在羈屑無可攄抒其或擁傳壯遊綰符經涉卽有興寄奪於浮榮性真不存歎詠無當是惟畸人騷士蘊魁磊之

奇氣負卓絕之瓌姿孤雲一身川路百織其間都邑之駢生
原澤之珍瑋人事之離合歲序之遷貿悲愉萬端俛仰均感
長圖大念隱心而莫宣春鳥秋蟬含槩而自語於是冷汰結
質鮮容剝華鋟骨滌肌冰瑩霞炫遇之齎舜之豐上有日星
下有風雅此卽子祥伯雲萍一集所以洞鑒騷情秀昭江國
者也邗上地交川陸古稱華州漕渠崑岡之樞軸冠帶衣履
之昌丰僑客游民聯肩疊踵祥伯以無對之才寄孤飄之跡
影溷乎凡瑣心軋乎霄崢資燿月之清真抒襟靈之軫結千
歌百賦久播城中補綴沈吟復成此段以予比歲亦客茲邦
屬爲弁言非同膚受嗟乎祥伯久遊益拙廣交益孤文采益
奇邁選益粹後之流轉未知何方則此詩歌又將遞續豐茲
嗇彼豈真有主宰存耶援筆序之曾歛彙歎而已

七家詞序

六合汪君紫珊以其友袁君湘湄劉君芙初袁君蘭邨趙君
艮甫汪君竹素楊君畹香所著長短句附以已作彙刻之名
曰七家詞之數子者箸饌宏富非徒樂章茲以詞舉以藝齊
也並世詞人南北林立約以七家以知限也夫六瑩九韶聲
非一律五綦七情動非一端比而同之不和則繆而汪君乃
通其驛騎合爲駢枝豈非以吳歛越吟之地晨晷夕雁之鄉
水木明瑟輒孕惠心煙波眇綿例萃秋士沈吟山澤俛仰翔
游蟲聲引愁落葉迎意或跌宕近局竹屋語癡或欸乃前溪
蘋洲笛脆莫不宮商協應瓊珠互投則所遇同也雲飛泥沈
蹤跡或殊靈檢真想胷次無二如春盎盎情瞳矐而各萌如
波鱗鱗風蕭瑟而時起洛濱攘腕寓牢愁於嬋娟阿谷抽觴

發荒寒於融冶趙元叔之蘭蕙鄺文勝之靈芝羽容霓色月
眞可呼珠淚玉燵天亦若瘦則所感同也且夫浮側趣詭亢
鄰於僞黠咬蔓流靡戾於雅是造弄之末技非琴旨之正軌
數子練情振采離貌合神苟昭藐以結緒則若孤花之送妍
間摧藏以訴懷則若么絃之成韻遠態疑霧分被六銖之衣
澹思當秋遙和七條之玉宋玉景差庶可稱乎別子金莖蘭
畹都無忝乎嗣音則所詣同也蛾眉殊貌而悅魄芳草異氣
而動魂文通所云斯集足副於是傾崑取珣聯唱成編瀾洑
濫沃不嫌源分酥酪醍醐終歸味合語其條例旣花菴之繼
聲論其別裁亦笛家之法乳已昔迦陵叙浙西六家詞有云
倘其旁及江東作者何妨有七今紫珊諸君皆隸江左獨蘭
邨以浙籍僑寓秣陵由昔視今若爲補缺詞客有靈當相視

而笑也

求心錄序

自異家馳說儒法分流學仕二端遂成歧別韋布之彥佔畢之辰纓被聖哲之言沐浴修齊之訓未嘗不興懷上理仰鏡前徽鑒蒲密而心儀語鄭阿而色動迨乎旣釋巾褐遠綰銀黃公府走趨簿領督促司空城旦卽莅治之寶書金布令甲爲持官之要道智者曲謹冀免愆尤不肖譸張間干刑辟其有殫精億慮銳志希賢論建豎恐來喜事之嫌勉拊循或致迂愚之誚經術吏治廼爾兩違是豈循卓之難幾亦非人材之遜古蓋器識不定則利害易其初心操存不堅則措施乖其素願也方今三雍化穆五典人惇展義宣風廉能輩出會稽何改夫先生代傳素業夙習儒宗從說之書六駁通人之

文十篋射諸生之策屢躋於端門集駁議之篇旁通乎律本
於是庭盈纁帛身傍韜沂代人作箋爲民請命枉平宜狂哀
息嗽鴻固已仁體臯蘇澤同罕樂矣大府重其幹局勸以策
名爰登黃霸以財官屈兒寬於從史始以長吏歷任典城所
至磔其梟狼養以風雨延壽閉閤兄弟無爭長孺發倉災傷
立起董宣強項之令陽球理姦之才文翁雅化聆匪路之絃
歌召父行田樂盈疇之菽麥征無夜名繼屬而輪租野有宵
漁闡行而畏法冠操秋雲之表下令流水之原遂使車蓋一
丈榮潁守之屏泥桑陰四郊立纁公之保社至於陽施長世
陰德活人家法本於比干惠心方乎邴相是又仲父所謂心
行士謙譬之耳鳴唯恐人知不煩覲縷者矣此求心錄一書
則其敷布之緒言循良之左契也原本問學詳示準繩悉其

聰明劑其寬猛刻廉而不測溪盎而不苛體慈惠以養和設
鈎距以懲慝思周乎利病纖入乎豪芒言若布帛求覽者之
易通佩等韋絃在臨官之自擇他若教民條約紀事外篇義
取垂規道殊自炫雜文間附咸益身心是皆主宰寸衷經歷
百折盤根錯節不能撓其志塵勞鞅掌莫得汨其神故能獨
出冠倫孤行邁俗處爲修士達爲神君卽此所編可當行實
用質司牧兼貽雲初嚮所云儒法歧塗隱顯易轍者讀書知
人斯言可雪已兆蓀清醪三酌未侍子春政論十條熟聞崔
寔先生之孫恩炤少列黌儁壯客諸侯奉其遺經志繩祖武
以爲先生茂製自有專書此其筆談先謀問世夫康成禮堂
之本守賴於小同僧佑縣譜之成傳歸於傅巖不揆櫛味承
命引言亦以發晏楹之語足爲百官之箴味顏誥之辭非徒

一門之訓云爾

樂潛堂詩集序

式觀虛霏誕孕瓌靈其有漱沆瀣負星月軼埃超雲千霜萬
古若化人者邈乎曩已英淑鍾萃輒爲具琛則若小華瑋琤
輪次嬰垣槐江琅玕章莪瑤碧登廷委莽遇選不齊鴻輝夜
色熒熠靡貳其在含生則爲魁士方其淪靈府振芳塵搖襞
綈槩吐飲宮徵情芽言發翰振藻洒倚旄蔭旗態之焯曄辛
茹蓼思之深煙綿春盎韻之遼黃櫨玉券彩之葩要歸於攄
寫堙鬱破碎陣敵屏滓斥凡惟變所適是亦騷雅之松喬藝
圃之黎綠矣今趙君艮甫卽其一也艮甫蒔滋經訓楊李聰
辯觸辰權奇壯學闕達橋仰失蔭屺瞻興懷丹穴之鳳飢而
待餒桓山之翼寒而分飛爲庚桑楚僑居畏壘爲闕德潤傭

書會稽爲熊安生教授河朔爲禰處士草箋江夏津頓逋駭
風水奔峭摧撞苑結揉弄景光吟聯渚鷗響苔翹覽或淒而
蒿薤或激而夔鼃或咽而蟬蛸或鏘而鸞鶯時而幽脩蘿荔
人語時而掩夢杜蘅野香時而煥赫嫋嫋時而璘彬駢錯自
舉玉衣不襲樓裂但咀玉食不吮常雋骨旣蛻塵寶乃見氣
邁會奇隻成其鏗訇不律萬手愴遐千里麗則葩粉苦則棘
癯質則儻寧文則巫史非徒才劣蓋有天焉足知盧敖乘蹻
走肉擬之則顛摩尼朗宵磧礫當之則敗也或謂艮甫寬容
霞飾珎奇璧貴將弛銜馮衢賁儀瑚敵賡曲元扈協律大予
牢愁茲段乘韋云爾蒙則謂山圖赤斧不憑藉於軒裳璿瑰
珎華不加損於緹櫝秀靈胚胎搆此英絕蜚聲耀遠藏顯弗
係牙曠竝世當趨吾言

江行唱和圖序

嘉慶上章散牂之歲吳江郭君祥伯海寧查君伯揆訪其友
儀真宰屠君琴陽於江北川塗次韻得詩若干首旣彙編之
復繪江行唱和圖以紀而索予爲序千里命駕蘭芷之誼敢
二人同心賡酬之辭夥當其荃橈啟夕芰蓋當風延緣聯葭
眄睇極浦湍騰華而沸嶼火貽漁而溜柳架渚潮清沾蓬露
潄水宿夢少月晃而問夏星飯影連霞頽而辨旦徒旅奔峭
客懷淒戾於是互跋北渚竝倚南津寓物造端樸然有寫異
獨鶴之偏叫類雙鶻之歎儔有聲必同無善不繼膺泰合舸
人瞻若仙牙期遞絃繁手皆俗激越絕調文鯁聆而奮飛掩
抑雙情潛蛟感而欲出均敵競爽竝潰橫發雖濤瀾之中有
金絲之韻焉僕亦道長無此勝緣睠言斯段旋復興唱以彼

奇姿瑋業邈後陵前慳樂耶園疲精涉頓夔拊龍應旣睽願
乎矢歌金銑玉徽徒儷音於勞唱于喁荅響良足歛已波戀
舊浦雲思故山望得栖翮鄉井連牆野舍負郭二頃面流一
塵鳥赴簷上花羅砌下相與藝松竹結保社訪丹法語元書
津梁之感可無蘆中之吟不作時或褰裳度澗日曬而卽歸
布席映蘿夜久而各醉當是時也樂可言哉然後還念征蓬
迴眺波路愉悴判境舒慘殊方撫紙札於緘滕慨辛劬於往
軫休文愍塗之賦景眞涉澤之篇煙墨相鮮絹素長在向之
旅緒罔非譚資因題卷端卽以爲祝也

荊石山房文序

文章駢格咸謂肇始東京然自秦漢以來李斯鄒陽枚乘王
褒之屬率皆宏麗抒藻繡錯爲辭由質趨文勢有必至馬揚

而後益事增華儷偶之興實基於此爰逮魏晉以迄陳隋衆製鋒起雅材彌劭有唐一代斯體尤崇穎達以之叙經房喬用之論史其於敷著塗異原同昧者不啻目爲卑濫是蓋末流之放失以致僞體之滋繁若究其椎輪審其徑遂義歸於淵雅詞屏乎譁囂侔色於散彝含音乎琴瑟斟酌華實逖遠淫哇作者抗行良無愧矣吳子旣哀其詩屬爲引首復以賦諫櫟著是正於予文雖不多絕去冗俗於前所論殆有會心方今珠璧耀象雲英炳符縟采蘭芬人文蔚列潤色鴻業斯道大昌吳子年富力銳篇什方滋遂學殫精將希齊軟孤竹老馬輒復導先卽以孟晉逮羣斷其勿懈也

郭母迨太孺人八十壽序

夫頤眞養志非假靡麗之奉道懿揚燉弗尙絡首之詞世所

欣羨類在浮榮揚母儀者侈璽封之尊遂詠壽人者炫簪紱
之駢羅此舉俗之所睎非高軌之所豔菽水可以代鍾鼎蘿
薜足以易組纓是有道焉在所自致我友郭子祥伯天授瑋
藝夙蜚英聲藻葩滂流文翰飛走卞和之璞雖懷寶於荆山
隋侯之珠已耀采於宇內竊惟貽謀式穀功歸於義方震聲
坎光道資於坤惠韋逞之業講堂之傳也曹穀之賢登櫟之
訓也自與祥伯締交撫塵內行克敦嬪則由悉太孺人累葉
席美六行含章惇懋婉婉之質教習於儒風女師德象之篇
學源於庭誥迨歸於先丈海粟先生反馬儀成弋雁歌作琴
瑟在御邇豆靜嘉茹蘆有善容之娛僮祁無橡飾之慕守辟
纁之志簪鐙而鳴機辭執珪之榮投畚而偕隱素風恬尙竝
世爲希繼以采芣之艱爰有置簪之舉太孺人柔嘉維則肅

雍以和塞淵之美娣媵同詞掉磬之聲房敖息響及祥伯與
其弟丹叔之生也太孺人幼而提抱長而煦濡嚴風淒厲作
孺以取溫春日載陽折蓼而勸學遂成競爽互挺雅材玉潤
金相豈常均之可企連輝竝耀爲勝流之所歸於時陟岵早
悲循陔待養祥伯昆季或辛勤以負米或嬰謁以承顏聲聞
四騰門業益大著述盈尺各具可傳出客代舍頡頏公卿入
授母懷依然嬰稚以詩歌爲堦筵之奏以綈紵爲滄髓之供
不朽盛業華於六珈之褒英絕光譽尊於三釜之養太孺人
顧而樂之怡怡乎莊莊乎燧序代移烝功靡倦蓋顯揚之義
潛見無殊非徒茂幽谷之貞蕤流德門之馨烈而已屠維之
歲長至之辰將躋八袞之齡豫卜十稔之筭祥伯昆季挈冢
介之婦曳逢掖之衣烹漸江之魚獻下若之酒婆娑而舞于

喁而歌頌聖善者皆卓越之賢豪列子行者率魁閎之都士
僑札百輩車笠一堂下索荒言附之末契太孺人不金玉而
富不榆翟而榮不甘晚而安不芝朮而壽在古祝爵不藉繁
詞敬述高蹤用爲勸侑太孺人其亦輟然而哈油然而醺矣
乎

重刊憨山大師法語序

此方教體以音聞應機是以道本無言因言而顯自馬龍二
士首荆宗風能秀兩師分然慧炬後乃輝聯焰續矩疊規重
性相岐分葦麻浸衆雖咸明義諦而各判詞鋒至若三元三
要之齊施半提全提之互用逆奪順取密指顯說類皆待緣
以喝通迎機而敲擊不滯影迹脫略曰窠劣解凡情轉生疑
阻醍醐上味反成毒藥古德所歎良不誣也憨山尊宿生明

中葉爲大導師開堂雙徑振綱海南緇白景從所至請益有
迷有達或飢或渴師運廣長舌擊塗毒鼓衆病殊源對治異
品若風扇鞠若雨膏穀痼疾昭蘇根莖等潤當時稱善知識
者有徧融笑巖蓮池紫柏心鐙同炳大雲分覆師能和合法
乳隨方利他兼攝禪土竝標權實綜貫經教雙遣我法其要
歸於萬行起心其功具於當人日用久參上智既可直證眞
常毛道淺根亦足前除汙染所謂正法可無臨濟德山末法
不可無此老者非卽大師之謂歟厚夫侍御今之裴龐精研
諄啄之機博究鉗鎚之案獨以大師法語闢發顯露二諦普
通疑噎胥消膺礙曝釋不爭空有而迷於坑穽不涉箭鋒而
墮於漚瀋斗極破暗羣流赴淵於以摧慢幢平惱海削情岳
超愛河諸妄旣祛實行可蹈世出世間事理圓該寂感誠明

靈源不二於是校練精粹重梓流通非隨喜法門非藉資譚
柄欲俾初地發心之士不必立雪祖庭操篋講席賴此寸編
拔陷扶墜如日親睨座如日聆獅絃且使異學六師屏跡退
舍魔民儉人罔可託足大師勛勞之德侍御外護之功遠識
堅誠津逮無量歡喜讚歎序之云爾

江寧寓館與樂元淑書

夏首違面涉江而東。殿門瑟居。儻復徂暑。承稔小極。當已大
佳。日從吳中探訪綦跡。音塵闊然。飢渴夢寐。題襟舊侶。星飛
雨絕。孤雲僑寄。牢愁可知。因何槃停。覃思不獲。僕以嬾轍久
安賤貧。射策東堂。本屬謾語。戚友學徒。牽帥就道。徒以青溪
九曲。烏巷數家。尙有曩知。藉申昔歎。至於逐侶充賦。著麻覓
舉。首塗之日。猶或游移。迨抵白門。乃決退舍。凡在儕偶。咸相

詫誹區區寸衷實抱愚悰揆其可止蓋有四焉髫歲了了見
知勝流二親嬌嬈屬望臻至自念此事雖爲浮榮冀得寸尺
以爲娛養兩應京兆五踏省門墜羽沈舟心摧氣折而堂上
色笑頓隔泉壚墓門松楸忽已拱把哀淚盈睫痛思焚書自
茲以往縱具牲鼎何有歡顏若云顯揚此未足數風木之愴
旣切於中華撫之思遂絕於外其爲可止一也制舉一途卽
云小技譬諸巫卜終宜有恒象勺肄勤父師督促亦復緝大
傳學歸藏鑽研秋鐙胝沫夏課閉門而造自謂愜心試諸有
司輒又繆鑿數蹶之駕臨莊馘而亦迷屢失之鵠省括度而
奚當况復中年多故舊殖滋荒憂患累其心輪踈疲其體昔
時肄習尙無寸功今此廢捐更何覲倖其爲可止二也自遇
艱棘日就尪羸飲食失時則病起居不節則病高譚逾晷氣

便茶如爲文半首心輒若蕩間或橐筆賣賦代人草牋亦必寬期不耐敵迫况可趨立鵠之隊希漸鴻之材焚五夜之樺膏織九張之心杼乎其爲可止三也且夫進取之事宜審所堪縱令因時竟得騰上而長安索米艱倍書傭故山牽蘿疇爲拏寄貧辛之况榮賤勢均飢寒之懷進退皆累加以性僻形嬾情迂跡疏酬酢之畏畏於夏畦冠裳之苦苦於桔橈縷緱之列豈容昌披嚴徐之倫安有樗櫟其爲可止四也具此數事遂絕妄營餘愔所存不更質告要以虞翻骨蹇燭武精亾非樂恬冲非安暴棄自非執事莫喻鄙懷此間寓館頗有亭池炎風浹旬忽觀涼雨秦淮帶水盈盈始波六朝青山含睇疑笑巾褐如海呶唔成羣獨以蕭閒得領勝趣生平荆獲此一奇矣若夫家室之事稻粱之謀卻顧無資前盼奚藉乘

流得坻亦聽諸造物而已。徒輩朋試二句可畢。彼時前旌當
莅茂苑相見匪遠。善自葆愛不宣。

荅姚春木書

葑溪僧舍行蹤暫留。聯裾倚裳。靡間昕暮。權文字之流別。商
史裁之異同。飛辯之餘。間以喁噓。濃笑之隙。襟以悲歌。明明
兩心耿耿。孤燭自非解人。鮮不充耳。旣而已童戒裝。楚榜發
夕。君行萬里。我留三吳。樽酒不空。之子日遠。靜言思維。輒形
於夢。昨拜誨帖。知已涉江。旅食安健。風帆無滯。蘆碕葦岸之
間。銀山素練之下。尙復勤劬。著誤。驅染煙墨。點勘鄙集。尤費
丹黃。寄眎開緘。循首訖尾。挾摘纖瑣。剖析豪芒。自顧何人。獲
此元賞。中間韻語。類多獎借。獨於諸文。利病倚撫。靡遺苟非
屬望深摯。以古作者相期。烏能捐棄。世眼痛相繩切。若斯哉。

十過三復悚然汗出感哉愧慙不能無言僕自羈卯思學古文漸稔其難逡巡舍去繼乃探索漢魏沿洄六朝下逮三唐以迄五季儷偶各體略悉源流竊欲矯厲庸庸歸諸淵雅藉見古人文筆無分整散不使寡學之士高語起衰輕詆駢文謂爲應俗而涉獵旣廣見聞龐櫟又性喜馳騁恣筆所之持擇未精遂羣雅鄭一篇之中璿玉錯見一體之內眞贋迭陳心非不知過乃憚改非盡師友之寡助亦由持志之不堅耳間嘗盱衡當代作者數人迎陵西河承接幾社選學未墜殊有宗風然迎陵佳製多在湖海樓集世傳檢討四六本屬外篇類牽酬應西河平滇頌與秦畱仙書諸首風格遼過齊梁而自所矜許乃在花燭詞序可謂棄周鼎寶康瓠矣外如漢槎穉黃麗京慶百體製雖殊咸有可采至於西堂羨門拒石

非得足下無以規之卷中啖點所在敬當書紳續有造作異時相質耳冬日烈烈飄風發發愛護波濤珍慎餐寢垂詢諸段別紙具申

與李敬牧書

籍甚清徽邈若星漢瞻言元度欽欽在懷僕以輕材繆事弄筆癡符自詒醬瓿徒覆何意大雅濫垂賞音鈞諧廉折羿遙響於齊絃折揚皇夸得歡心於郢耳洞開藻鏡滂吐葩詞曾未蓋傾已覩臭合流盼所及謦欬如通荷慄之餘申寫難已昔者阮公放曠樂東平之風土五官馳騁念南皮之舊遊何則蹤跡所託性情存焉童少所經老大感焉曩在毀齒隨宦邊州地當趙北之陲壤接幕南之域紫塞拱其左黃河繞其右燕代扼其前磧鹵倚其後武靈王所拓宇呼韓邪所躋騎

每贖春迎夏。風暄草薰。鳴沙捲而柳青。埃烽銷而榆翠。長城窟下水。無鳴咽之音。都尉營中。花有燕支之色。未嘗不徘徊。舉阜延賞。林巒葭席敷而。捫馬斟煙。燕平而射雉。賦至於嚴霜凋節。野稗隕柯。雪汨千里。冰橫一岸。虎豹夾路。山樵望而不前。鵬鶚厲空。翔禽驚而在下。猱飈號晝。曜靈匿其陽。暉大角。跼秋翰。音失其恒。響則又隨。戍將獵郊垌。扈帶鮫函。青莖赤羽。弓如霹靂。鳴餓鵙於澤中。天似穹廬。割黃羊於帳下。普梨一曲。余朱敕勒之歌。琵琶四絃。公主烏孫之樂。何其甚壯。豈不然歟。若乃將軍死綏。烈士橫草。憑弔國殤之墓。流連表忠之祠。銅頭鐵額。嗟興暴於當年。直蓋犀軒。颯英靈於此日。月中石馬。恍聽悲嘶。雨後春鉏。時逢敗鏃。是又陳安壠上之。什馬督汧城之。謀所由歎薄長吟。淋漓濡翰者也。歲華不居。

人事遷易自鼓南楫遂睽北風艱棘丁其躬憂虞耗其智荏苒廿載蹉跎寸心昔之伉懷猛志逸足盛年今且顛躓沈頓跼伏蕉萃類壯武之心疾同田光之精亾豫州撫髀之歎抑塞可知子山思舊之銘生平已矣尙何能追溯過風躊躇往轂葆幽并之奇氣尋企喻之豪歌也哉重以足下揄揚過差元賞所存尤在少作承稔遊轍亦經此邦觸撥振擿不能自默輒復覲縷貢其區區回瞻朔雲亮均感槩相見有日愼夏自愛不宣

與曾方伯書一

元轡迴寒青達啟震暄辰始屆動履宜安判隔山川抱佩至眷剖武昌之魚間逢尺素逐衡陽之雁莫遂翻飛夢繫波潮思纏肌骨比聞吉語光轉崇階移旟竹於南天總藩條於東

粵高樓明月長憶元規一畝清泉先嘗吳隱勵孔奮姑臧之
節踵孟嘗合浦之風百城望表而知歸舉部承流而奉職頒
條齊政稔所優爲雖然修綱捨網者理治之恒規也占隱察
來者銷萌之善術也爲邊不可以常智圖易不外乎思艱簠
簋之飭廉風扇之而有餘茅蘖之藏震撫加之而不足古人
沈幾先物弭患求寧戒凜衣柳綢繆桑土是必有道諒所營
心此邦地控荆揚精分牛女物產饒沃荒穢包羅內則大谷
深巖憑山阻海喻卜陽之屯壘方成公之曲隄萑蒲之衆太
叔何能畢殲渤海之繩龔君亦稱難理外則裨瀛沃島溟渤
稽天琛舶之所飛浮蛟人之所翕集孫盧餘孽卽跋浪之鯨
鯢鰲舫遊魂化磨牙之蟒貐至若遐夷合市殊俗來賓獻婆
利之文螺通犂韃之金罽侏僂錯櫟漚鬻駢闐非僅懷柔陰

資填撫恭逢三靈和宴玉燭光昭函夏授鋒郵亭臥鼓康衢
載詠漆室奚憂然而陶士行之臨州不念運甕岑使君之遏
亂所貴生釐珠崖銅柱之間勤規石畫緩帶輕裘之下中有
金城必將遂略防微瀛壖永奠化封狼爲赤子革飛鵠以好
音籌策徒薪維婁疆索龍驤上帥埽蛾子於張帆魚鼈東明
絕豺心於渡水櫬雲不動關牡無飛然後坐嘯風生彈豪錦
粲增磨厓之鉅製採擊壤之嘉謠是所必圖也不敢不祝也
某自違代舍戢影窮檐孔賓削跡息意於梯榮泉明扣門拙
辭於營飽葭牆艾席聊足隱形橡飯菁羹殊難果腹竊以五
福六極命數攸存九食三旬古賢不免若欲馳身竿牘胥疏
江湖徒弊精神滋增勞辱以是決策甘守衡茅餓隸窮人聽
諸造物而望羊城之驛苦憶任囂緬峴首之山誰偕元凱敢

詔左車之千慮略同重館之一言。庾嶺梅開珠江日永頗盼
良訊以作皋蘇。

與曾方伯書二

月日得從化令寄示書知前所申函已徹醇聽伏承侍奉曼
福榮問光昭贊伏波橫海之勛。埽封豨修蛇之孽。戮鯨鯢以
爲京觀。靖瀛渤以作夷庚。儋耳珠崖乾晏地謐扶桑窮髮風
揮日舒勘定之功偉矣茂矣。至於滔天餘黨。悛惡渠魁。罔不
授戈咸皆面縛。寬其斧鑕貸以生全。遂占折首之爻。足媿攻
心之略。逖聞露板益仰風猷。竊聞殺降不祥。自凜李廣之戒。
而受降如敵。宜思耿秉之言。以彼梟狼編諸蒼赤。賣刀買犢。
何以奠其居。東澗西瀝。何以區其衆。聚之都邑。旣慮其藏。鎡
散之田疇。又虞其懸。素必將永弭反側。長樂畊桑有幹。有年。

無虞無詐。古人左牽制犬，右袂操民，慎固周防，勤思安輯。緬諸連帥，定有機宜。抑又聞之勝，非其難持；之爲難，趙襄卻翟之餘。轉加憂色。主父忘戰之語，實曰危機。惟勤被廬之蒐，勿狃蒲騷之役。所謂慮噉於方滿，守善於已成。是非書策之迂言，當亦師干所熟慮也。某海隅戢影，與外閒隔，非敢葭莢矯俗，自詡孤高。良欲保無用以得閑，處不材而全質。雖見嗤於華士，知有取於達人。惟魏應璩有云：人非神仙，須仰衣食。然居常待終，亦援啟期自解而已。去德滋遠，不能奮飛，尙斷嗣音，用當良覲。

與劉芙初書

春末夏中，兩展手告，撫序念往。臨風感今，羽接鵷鸞，情繫鷗身。白雲南望，軫夢乎倚閭。青藜夜然，疲精於染翰。亮櫻冲抱。

或損清襟所冀英蕩之節。得出乎江淮則苞栩之嗟稍紓其
苑結菰蘆末弊寢食祝之。僕自方伯內擢秋卿便挈囊裝移
居書局琴心酒德暖有餘思墜雨秋蒂邈焉興感離索之歎
欽欽如何局爲神祠然乏簫鼓黃冠數輩習成惇愚樛蒲歌
呼近溷耳目所居牆高庭不盈丈夜望星斗僅見方隅西鄰
城闔雉堞壓屋迴風蕩激樹葉翻飛終日喧豗疑在濤浪羸
僕一二聊供薪爨朝暮兩飯各需百錢濁醪敗脯強飲強食
不暇求味資活而已淳熙文選全秩已刊近與澗贊商權考
異渠精力學識十倍於蒙探索研尋匪朝伊夕凡諸義例半
出翔裁間以駢淺補苴其闕聊撮厓略爲足下陳之夫善注
在唐傳本匪一時代綿遠莫得而稽逮乎五臣注行動以意
改正文句字寢失其真後來刊選合併六臣迷相靡亂崇賢

舊觀糾錯滋多北宋單行善本末之獲觀吳門袁褰以家藏崇寧舊籍影寫刊行雖并五臣要爲近古茶陵陳仁子本亦當宋末其所據依足資考鏡可證尤刻惟此二書餘如元張伯顏以後遞有摹雕要皆宋本之重儻遂初之別子也延之貴池之役參校羣籍修改綦多得失互陳非盡善舊而袁茶陵二書校語如善作某五臣作某類卽所見以爲標分非必崇賢果眞若是盤錯疑互職此之由今茲考異約有數端其善五臣之異同有注文具在可循文義定其是非亦有注乏明文旁引他篇以相較比又他書可證固所必援亦有兩存不宜輒改注文彼此固當互稽然或概論仍滋膠滯甄綜鈎索例非一端實事求是歸於當可必無所考則亦闕疑其尤所增多則以袁茶陵有無相證又推求善例以決乖違至於

徵引羣書動多闕佚其今所及覩或散見古籍時有牴牾不
皆符同或本有古今傳有同異或善自刪節略殊元文凡此
諸端宜仍其舊弗槩觀縷以省繁支實係舛訛庶爲舉正其
選中諸文分見史集字句歧別時有參差是必疑義乃爲剖
明餘或兩通亦弗悉出其他脫誤何氏焯陳氏景雲校勘而
外所得尙多案其是非訂其漏落苟此本無誤校語或乖有
載有刪隨文裁度不復一一爲之糾繩要使善與五臣如簞
汎畫塗善本蓄疑如昏情爽曙求其可通易讀非以示博夸
多如曼衍諸書迭相比附恐妨體要非所敢爲其諸條例件
係各卷觀者循繹自可得之若夫義夥則例繁例繁則詞費
或致棼亂貽譏治絲雖經審詳恐猶不免是在大雅有以匡
之書約十卷寫刊逾半夏閱旬時當能蒱事北鴻南來切盼

教牘炎威尙熾仰願珍宜

復屠琴陽書

嚴雪冬集津梁路修一江阻於寒裳千里違乎命駕思君閔
嘿心與颺俱伏承綦履救寧政通人樂懸蒲得衆破柱懲奸
酌威惠之中收鄭阿之效偉哉壯縣卓爾神君詎惟雅對三
雍覃思五際揖精微於學侶稱絕妙於詞宗而已哉淮南弊
俗惰窳成性飽食以嬉男婦一轍懸磬比屋而詐習飲羊無
褐終年而飾矜墮馬前者騎寓飫見澆風渤海潁川切賴良
牧執事啟崇化本洞燭教基旣劭農功促修嬪職頒蘇瓊之
度樣樹顏斐之桑麻排比鄉亭量給資力綖麻索縷指挂手
經官爲委輸以爲勸誘極條約之詳審殫導率之周諄務使
戶盡鳴機門無跼蹐生事旣贍仁讓自啟此蓋聖賢之治術

康濟之淵源千載同符百王不易匪直循習吏職補偏救弊
云爾以茲瑋績必得鴻著標記盛軌昭式來旌僕雖幹材敢
辭誣諉容俟暇晷敬竭愚慮先報荒贖用表傾軫

與胡中丞書

日者鋒車南返曾貢芻言嗣聞河決睢隄下淹蒙臺星馳旄
節撫恤漂搖沐雨纒風勤憂可想旋屬充豫肆逆盜弄潢池
愼固壘圻遏防竄逸紆籌玉帳益倅丹衷比者虎旅雲蒸蜂
屯電埽不煩破斧已慶櫜弓足知蚩尤吐霧無損軒威鑿齒
行誅何傷堯化功成閉閤福廷延洪擊壤之餘敬抒蠡管竊
謂民情不皆好亂况乎

聖德定致時雍何以玉燭方調黃巾潛煽軀羆糾蔓數輒盈
千揣本推由責在司牧古無卓魯在上而人欲探丸蒲密政

成而戎猶伏莽恭譯

詔書諄切實洞弊原積習因循匪朝伊夕卽有賢者大率奉行文法無誤繭絲誰復深究治原講求富教力破常格希風古賢儲未陰牖戶之謀籌曲突徙薪之策故在平時孝弟廉恥旣化導鮮方逮乎水旱苗荒復拊循乏術蚩氓素無定志又窘生資屬有姦徒從而簧鼓妖言熒聽懵俗成風歆以奇衮則良亦爲勢恍以罪福則智亦成愚蟻聚滋繁狼心遂逞究之滔天巨慝旋踵誅夷首醜駢殲俘馘載道徒使上勞宵旰下耗度支白骨膏原玉石同碎雖云數定實足心傷夫致治者不在法制科條而在人心風俗爲治者不在補偏救弊而在正本清源儻使人識尊親戶安耕鑿疇不稟名義疇不繼室家驅之作姦且必不聽縱有蝨賊惑誘何從古云庶

民興斯無邪慝又曰衣食足而知禮義此經世之大本非往哲之迂言要其轉移全資長吏方今

宸衷乾惕日昃憂勤方趾圓顙同深感悚閣下斐忱夙勵移孝作忠其何以力飭官聯殫求寧瘼潛弭芽蘖長奠苞桑欲興教先在足民欲足民先精察吏必野多馴雉而後音革飛鳴必澤息嗷鴻而後村無吠犬稔關蠶念延企遠謨若祇以勤勛簿領爲奉公謹慎廉隅爲効職似尙虛於報稱非所望於大賢卓識淵懷亮殊恒惇腐談野語惟乞茹涵靡鹽方歌諸祈珍護

重建桴亭記

太倉州治南明處士陸道威先生故居在焉旁有桴亭爲先生講學處歲久彫剝其宅改爲羽人祠嘉慶上章散牂之歲

里人葺亭而新之邑侯董公爲之倡而屬兆蓀爲文以記洪
惟我

國家甄靈奠宇耀夏威荒羽族卉儀懷音革狀而又寬天網
恢汪度其有棲谷耆彥韜光逸民咸俾全箕顙之志闡章逢
之業於以餐佩唐德權揚儒風自非遭際泰和豈克遂其高
軌矣時則有若容城孫君夏峯餘姚黃君梨洲盤屋李君二
曲諸尊宿而吾鄉則先生其最著者先生秉黃中之性希素
王之道仰察璣衡晷緯洞其革象上窺姚姒危微承其緒言
淄川濟南之經傳叔孫夏侯之禮樂慎到游棣之法術龐煖
兒良之兵謀咸究淵微著成部帙有明道學弓冶各殊敬軒
康齋肇薛胡之津派白沙陽明啟陳王之宗風東林主格物
而王學寢微蔽山主慎獨而陳學復熾門戶之判幾於水火

先生篤守履蹈不墮空元獨能參其異同辨厥醇駁宗朱宗
陸溯源以通之主理主心虛已以覈之如河傾懸清冷灑蕩
若農服疇疆判畛分冥索者鏡澈瞬馳者書解詎非鑽仰淵
騫鱗差冉雍者歟會丁未造海水羣飛囊書屢陳虞淵莫挽
昭華旣徙延喜攸歸遂乃頤素松阿搆亭講學而以桴顏楣
申屠因樹之屋薜蘿交加鄭君寫經之堂髦秀矜式蓋沐藉
昌運非喻蹈海之心植操幽棲聊存泛宅之志者也年運而
往遺基巋然夫過大梁者猶想夷門思魯儒者不忘淹里仰
承

列聖幃覆醲化涵濡綸綍寬大先後載下卽夏餘苞蘖洛邑
庶頑猶予易名加之獎錄矧夫逢子康之介節兼擅文儒周
伯况之高風曾膺纁帛者乎舊蹟堙廢景行末由鳩工庀材

言角會三系集卷一
爰復曩構上體揚闡之

聖德下孚式瞻之庶心史宓閭書兩所宜載捧筆避席請濡
牆陰

儀徵屠大令與紡織記

儀徵古真州地大江長淮所襟帶吳橋楚榜所鱗萃兼以牢
盆禺筴之所轉輸而委屬罷民流庸肩摩踵接捆載鹽鹽以
爲生資男情於犁耨婦情於紵組習侈成窳積嬉成嫵外若
殷賑而內實皆窳蹙良長茲廩乎號難治今錢唐屠君由翰
林改官斯邑以慈惠字毗以沈毅糾慝以通敏決劇以清白
化俗旣勤勸課穡人趨功昔之輟耒今多剡耜又以農工嬪
職業無偏舉穀晝絲夜事貴兼足邑之婦女目不見漚麻手
不狎弄杼强而督之不苦則謝君謂事非難劖道在引端人

非惡勞道在悅使於是出教約立簿冊籍邑之願紡織者若
而人募吳下之能紡織者若而人能者俾之教學者予以資
羅車軋機官爲辦集絲麻練組官爲給費成而獻功官爲收
納積而待賈官爲售價甄多而褒察寡而訓戶不分高庠事
不假胥吏自辛未之冬迄癸酉之秋歲凡二夏所習嫻練已
有餘利物亦流通乃聽自爲官弗復問比屋歡動驩然執勤
向之傅芳澤坐游熙者一變而密勿將事晚寢蚤作涼月入
巷靜聞鳴梭朝曦映川時見漂絮匹婦之業足佐丁男摻手
所成可贍食指本務具飭土風還淳物變故心臧家給故刑
措懋哉上理之基也昔桂陽笑充五原崔實化泉之政不後
劭農非獨桑蠶使之課息誠見九職任而後衆志定衆志定
而後四維張不惑於奇袤不流於俶詭何憂乎鴟義何患乎

摘虔事固有瑣而其繫鉅迂而其效神者亦曰求其本云爾
拘牽之士重興作幹局之才薄纖屑夫豈知五雞二彘春賜
秋蟀古聖經國燭細洞微什百於黃霸米鹽陶侃竹木者何
哉屠君深窺治原符契往哲孤行一意裁制清衷條格允精
則倣斯在嘉績長美件舉則繁此其大者非文曷紀書實傳
信蓋無愧辭

華年四影圖記

吳子棣林繪華年四影圖以畀於予而屬爲之記當其鍾英
虎牙挺奇驥子石麟墮地志籀穹霄雛鳳啄花聲在雲路金
鋪垺永杏葉韉香騁俱盧舍之平皋選阿涇婆之駿足鞭細
搖柳衣單舉風肩差栗果之少年睥睨幽并之豪士於是有
青原試騎之圖嬉娛林垆饗嗜偉麗獸肥草淺旣極子丹之

游日炙雨淋凌摸伯喈之字榛煙鬱而在望大川浩其前橫
金沙瀰漫恍俯苑仰薜褐刊殘時勞波颯類摩挲於銅狄軫
慨息於飛僊勝寄孤懷軼凡超俗於是有江亭覽古之圖旣
而抑躬歛華折節媚學謝耿豪之把槩慕顧歡之然糠子舍
銓紅甲籤字綠琅函玉券恣厥緡掀蒼頡佉盧窮其半滿遂
使悉曇章體彙儒墨而周流阿難多聞作總持而撰集於是
有秋釭耽誦之圖然而彥倫辨才能名白黑客兒慧業喜近
菴羅捉松枝塵修居士禪叩輒語於導師懺夙因於法會狎
巖中之鹿鳥珠柱晨輝分棒下之龍蛇昏衢宵燭天龍一指
大愚三拳譬趙州之茶參臨濟之喝立殘庭雪心耀千鐙撥
盡鑪灰戒圓五夜於是有薌林僧話之圖蓋其聰明才韻朗
性靈機方夫弄麴之年已了聚沫之義業緣跡現智以年增

怪得姦窮歸真趨寂可謂深悟法門藉於夙植者矣夫首楞嚴以人生爲旅宿僑陳如以世界爲客塵凡諸境風能鼓識浪昧者鑠機牽掣覺者順應咸宜苟其心月孤圓光含萬象光非照境境亦非存則知見兩忘我法胥化屠門酒肆亦可調心止滌棲蘆皆爲淨土在聖道爲素位在佛氏爲隨緣影事前塵何分何別是以崛多三藏以觀靜爲非慧能六祖以拘身爲病盛勤禪師云多生覺悟非干衲張拙秀才云趨向真如亦是邪此則一點靈臺丹青莫狀百尺竿頂究竟猶非爲吳子記卽爲吳子進一解也

登華圖記

登華圖者前湖北觀察陳永齋先生官修撰時典試關中作也領裏千佛拜榮七騶乘輶遊髦張旛入陳門棘旣撤鈎梯

乃遊茲山屹削嶢峭懷靈抱異一掌承露三花滴漿雲生玉
女之窗霧晻公超之市蓐收少昊肅彼羣真太乙終南列其
孫幹先生風領嶽峙峻儀巖標塵中傑魁天際遐想雲袂仙
舉星垣手攀陵峻谷蹴岷峨俯雍梁睨河渭聳節延爽吐欲
顥秋齋心驂煙呼吸帝座由其適骨契符神區故得鳳翥鵬
搏鸞停鵠時肝衡詆蕩軒豁端倪通元氣於混茫軼埃壒之
混濁絕倫超羣厥觀偉矣今者身歸兜率貌留丹青詰嗣兆
賢門基克肩父書跪讀展象增慕徵文揚休菡萏真形蔥翠
在目羽霓被飾翔飛若生兆賢式瞻鋒稜緬睇矩度其將景
行仰止拔俗振奇驚精九旻遊心萬仞爲驥致遠爲鶴摩霄
負尙瓌辭霞開颺起宏矚高軌跡異神同恢廓襟情冥協懷
抱嗣芬之道孰大於是攬筆述勝庶幾勉旃

豸華堂記

豸華堂者明嘉靖時僉事金公對峰罷歸武林卜居別墅也公以上第佩綬銓門時則龍虎迓真欽鶚作相吐噏霜露鼻息虹霓阿之者鼓鰓鱗嬰之者膏斧鑕一時探榮轍徼寵津脂葦突梯俯僂削匐耀金帶白率皆掃門之人接軫成陰罔非拜塵之侶公獨峨然確爾膽勁心方陸沈十年懷滅一刺蕭太傅自引出閣豈懾博陸之尊顧覬之行腳繞牀得免景仁之黨能以一蕢力障江河旣而冰山自摧繡斧出按荻苗瓜蔓遏彼騰湍東野瓠歌偉其底績屬當右貂煽焰蒼頭怙權有馮子都之倚依爲舍中兒之犯法公乃立與杖決懲以荆條駐車叩馬董宣縛湖陽之奴獲書加笏虞延收陰氏之客挫伏獬獬比擬鶴鷹卒忤恭顯之威俾追疏董之轍於是

其易曰：「君子居則觀象象而玩辭，動則觀象玩辭。」

徒穢齒牙今者鈴山書廬萬流唾斥閭寺大第尺土餘腥而
公鋒稜凜如精爽宛在游九京者流連于隨會過雍涼者致
拜於扶風則斯堂也不必斷橡礮石連櫬樹榮卽以爲魯恭
靈光之殿歸然長存少陵成都之居爰兀如見可已永年誌
美敬書此詞

三十六陂春水圖記

高邕五湖巨浸也珠川平阿樊梁甃社若洮濶之滙勢等湘
漢之合流灝漾潢漾蕩雲沃日蘋末鼓怒盤渦激湍稽天騰
山百里無際戕觚掀葉篙師悸魂蘆渚荻洲險類溟渤前明
嘉靖間仁和金公樓泉攝刺是州求民之瘼治難爲夷開石
梁導石臼濬秦蘭障洪澤分支以殺悍增防以遏衝別疏平
川用避賊浪馮蠓陽侯歛其威最輕舸疊舸恣其泝沿旅嬉

于津農林于野公底其績客寫其勝此三十六陂春水圖所
由作也夫其鏡瀾澄空洪漲若砥淀瀆綿邈葑蒲蔓延蛟鼉
不驚鳬鳥咸若或曳而縠練或滌而玦環斜陽赭汀漁唱四
起素月娟瀨權謳時聞無風波之憂有濠濮之想蓋公之撫
隱察伏蘇枯弱彊敷歷吳秦卓冠司牧澤物之政斯其肇端
美哉厥功爲德遠矣九世孫中書君應麟旣條治行臚于家
乘復以此圖徵記于余緬惟李冰離堆鄧晨鴻郤鮑昱石洫
鄭國涇渠疏盈瀉溢澹蓄捍患鴻勛上善實足嗣風灼當世
芳千古圖其左券也予固勞人數道淮海登覆孟之城睇汜
光之浦邵埭猶在荷塘日欹市喧雜于鼃聲墟里降于葦岸
沈隄之疾比戶蕩析之慮終年中書君毋亦念魚鄉憫雁澤
欲俾居者無沈鼃涉者無摧檣利賴之謀師帥是仰用是寶

遺繪述祖芬其將傳玩守土紹休前烈有舉毋廢因水茂功
視夫志表聖之書屏珍衛公之故物其意量固侔乎遠哉彼
弋陽之陂沈菜之堰滬瀆之壘尙書之塘前規具存後賢不
乏景迹生慕觀感當何如也

懷知圖記

蔣子伯生提桴藝場策功詩閣以文字業現宰官身測交約
歡雅游接軫年欣入座謝混易衣王粲在門蔡雍倒屣乃至
芷蘭合臭則契結攬環淑美通詞則情均解佩往夢悅魄停
雲貯襟分寫爲圖徵言以記夫急弦勁矢密運者歲年吹塵
起漚偶然者交際伊古眞人作達等道義于蘧廬釋子捐機
置寬親于平等假使繫心沫聚生愛旃塗得無繳網之纏難
比黏嵒之解然而境由幻構幻卽是眞情從想生想歸于正

是以廣柔山上夙有淵源兜率天中非無眷屬旣金石之誼
重卽香火之緣深豈可付之冥忘視同泡電乎茲境茲圖固
實相之端倪枯禪之藥石也以僕軀材去君十舍而南皮舊
侶東閣勝流飛蓋西園停車北里歡屢墜而莫續羽方翕而
復分筭脫波頽星離雨絕惟欲披莊盈尺繡拂一龕託諸陽
焰空華藉釋迴腸紆軫煙雲棲目豪素觸懷宿習再薰識浪
復鼓落落四海負負寸心讀畫申辭但有慨息

小謨觴館文續集卷第一

小謨觴館文續集卷第二

鎮洋

彭兆麟

補

李忠毅公諫

夫佻身飛鏃臨敵引義之謂忠受寄建旌以死勤事之謂毅
是以膏塗氏斧悲殉令於孝侯篋尉元纁痛歸喪於國子若
乃風船火艦方收橫海之功鯈渚魴潯遽遭埋魂之變三翼
競進一鼓前衰鯨鯢棄而滄溟翻河魁搖而大星落其有不
哀逾田豕泣甚羊碑者乎今浙江提督西巖李公諱長庚字
超人同安人也世守愔學長習奇肱辰精嶽秀之祥含精於
天漢皎日大河之志勵銳於風雲始登翹關之科繼入期門
之籍勾陳太乙肅象緯於周廬甘泉長楊奉清塵於罕畢乾
隆四十一年出爲衢州都司迄

今上初元累功至水師提督時則胡藍朱蓋鉏剪無遺綿蔓
瘦楊奸慝不作惟茲鯤海越在偏隅地當甌路之交歟有孫
盧之孽鯨鯢揚鬣以吐霧獬獬磨牙而食人鰲鱣聯窮髮之
墟烽火照扶桑之岸公秉桴厲士受鉞行軍王濬本水中之
龍高昂亦地上之虎星流霆擊嫖姚玉弮之弓電逝雲飛楊
素黃龍之艦蹴之象嶼困之漁山窘之北汕覆之東涌身歷
百戰俘馘數千公孫述之帛蘭層樓灰滅侯子鑒之鵬舫百
棹煌煌蓋軸檐艫賀齊橫江之關水車拍舫世譜赤亭之捷
撥麴刺蜚厥功偉焉其間遶迂盤錯經歷升沈幾垂回谿之
翅再奮鼃池之翼鬪令尹之紆難不恤毀家祖建威之著鞭
自能募士用得遶國爪被水犀奠鯤身埽蛟室斬獲過當飛
走將窮

天子嘉伏波下瀨之勞有珠劒龍環之賜策以後續苻厥殊勲公乃益勵鷹揚誓平豕突胡僧祐門開朱白不捷無歸劉季奴手折麾竿追奔弗顧以嘉慶十二年之冬躡賊蔡牽於黑水洋蛾徒悉殲龍艇無路公擐甲親戰欲登其舟猝犯礮機薨於行陣嗚呼哀哉軍歌虞殞空歸襄老之尸身伏弓衣竟中呂錡之項蒼頭犀角奉吟槌而遄還利觜鋸牙決置學而遽去事聞

天子震悼追封壯烈伯謚忠毅蔭其子入官頒東園之秘器卹羽林之孤兒慟輟綠沈之瓜悲題黃腸之湊禮也公拳猛沈毅武節剛方龍泉太阿是爲知己饒笳競病亦解敵詩當其運智九天取決百勝何難禽渠瀛島懸首藁街而時命不猶雄圖沮屈上感推轂醺廟之寄下厪鼎沸魚爛之災進懷

中山篋書之憂。遇有北平對簿之慮。李都尉獨當冒頓將軋。後期王君廓被遏。茂功憤常流血。於是決命爭首。絕慮無遷。生死舟航。寢食潮汐。慕容西津之艇。列仗而前。康生中渚之刀。依煙直進。始圖埽籜之功。終蹈裹尸之義。宜乎寒風大樹。哀騰七萃之軍。薤唱蒿歌。淚灑八閩之水矣。禮曰。賤不諫。貴幼不諫。長昔安仁之於馬。敵延年之於陽。瓚位託舊史於諫。爲宜下士。疏逖非僭。則妄顧拜祁連之冢。同傷驃騎之亾。聞隴上之吟。各有陳安之弔。非禮之禮。不能無辭。爰作諫曰。國輔明義將軍死。綏桓桓。獲獲今古同歸逝者長已。魂兮可追。百身莫贖。含識知悲。於鑠昌期。塵清宇謐。南辨東靄。堯雲舜日。戶革鶚音。家無鶴膝。韞干閣戈。鋒投警歇。蠢爾南邦。重溟環外。昇魴伏鱗。東縈西帶。湍峻渦盤。竄息駝喙。化爲豺狼。

甘人作膾來或騰迅去則身飛鉤戟長鍛拋石弧鐔越舶琛
費日南象犀恣其橫噬喻彼封豨矯矯虎臣繫公是恃戎幕
初張孤忠自矢誰呼癸庚以家財理誰病瘡痍以噢咻起孰
云溟滓直戶庭視孰云熊羆乃腹心使勇各尋約爭無掬指
屹然和門天南岳峙當時醜旅類非一族或號艇徒交州夷
屬或爲劇盜澳嶼潛伏妖等白波兇逾青犢波跳蛇牙風飽
颿腹不畏天吳寧愁楊僕惟公奮節凜然枕戈率彼組練鞭
爾鼃鼃納刀於鞞沈璧於河聞鼓而已遑知其佗海童馬銜
鐵額銅頭如駟失羈如鷹脫鞲顏息志曰叔孫搢喉望影恍
惕聞聲遠投艇䟽旣截盜氛猶熾大壑鳴張洪濶蟻萃夏策
橫衝躬揮精銳鷁首山臨蝦鬚雨墜夏遮滄波搜牢澤藪虎
落天羅宜左宜右鶻入鴟羣豆當牛口假息游魂輒跳而走

大鵬火鑑懋賞遐頒穹碑烝鼎豐功待刊露橈直進犄角靡
援勇氣虓闔嘯喑煩寃歲屆單闕日在婺女芒息機槍技窮
爪距犁穴繫頸功成炊黍旻天不圖縱其旅拒長風巨浪駭
石飛螭鐵幕無障犀渠莫防中臣要害歸靈大荒全軍勢面
呼疊雷礮鳴呼哀哉高牙大纛疇非折衝公獨身先被羽摧
鋒詎希旂常詎慕侯封夙夜匪懈本於靖恭非無幕府簿書
詰責非無章疏鈎考掎摭恩全九重望冠羣策鋒鏑雖罹
穹蒼可格嗚呼哀哉典隆飾終榮錫珪符縣潘授邑涿聚存
孤丹荔黃蕉青旒赤車生榮死哀公毋鬱紆峨峨巒嶠汨汨
解濤英爽惚恍閃屍載遨倘駐雲車動其弓刀定殪羣醜紛
如蝟毛漳江之濱侯賓之禮崇祠綽楔奔走禋祀末學卑凡
聞風仰止累德攄詞百世以俟

四川布政使姚公諫

維嘉慶十有四年十一月日故四川布政使姚公卒於官越
明年其孤椿樾奉匱歸葬肅徵鴻文昭紀前烈而以銘諫見
屬於予予與其孤斷金之交不殊於天顯累德之義敢謝於
述尊公諱令儀字一如婁縣人也葉陽息民代隆陰德伯審
游學早負光名稟岳瀆之靈暉蘊風雲之璋智應機立斷干
將刺鐘綜覈清裁利刃刈腐開達理幹基於少時逮登拔解
之科首任典城之職溟越夷徼已濮蠻陬攬轡升車忠譽傑
立屬當氏羌不靖方名遄征西渡瀘河灘些之城百尺北控
青海魚服之旅三千公采芑從戎蜚芻饋士冰立若皐鐵星
之火不難易高於人明駝之目頻啄膺蕭何轉粟之寄矢王
尊叱馭之心儲待無慙飽騰相慶遂得多羅函表檠木來庭

幕府上功洊領華郡井絡天彭之野靈關玉壘之區魚文驥
子填撫其豪強鐵冶鹽泉劑調其緡算苗民賜義尚父鷹揚
復奉簡書參其軍事惡溪水毒鸞翼墮而猶前墨雲瘴來盾
鼻磨而弗顧疾癘纏骨筆翰如流喋血自甘銜膽益厲時則
柱天都部威過龍驤騶卒廬兒恣成虎關公繩以令甲折其
姦猖金布旣申銀刀乃肅董宜直道縛湖陽之蒼頭翁歸公
廉最霍家之奴客以今況古何多讓焉媿徒旣弭米賊旋煽
韓千秋軍鋒之冠馮奉世爪牙之臣咸謂樽俎折衝非公莫
可發蹤指示輒用諏詢公聚米之智規賊於掌中涌泉之謀
決勝於檠下周旋侃嶠之際申陳廉藺之道殺敵爲果師克
在和渾濬無爭韓白効績有嘉折首用議收功三錫酬其殊
勛十連重其方任威行露冕超總藩條天性彊力精於吏職

不煩鈎距之施而庭無稽牒非假單複之術而獄鮮遁情揚
震卻賂暮夜無欺許伯訟田輟耕相讓修渠宏鄭白之利餽
粟踵罕樂之仁請雨捷乎廣微備火儕乎叔度萬端千緒心
祿手規閑泰無時精神坐竭丹青騁轡高春之景已斜赤霞
吐誠傳薪之焰遽盡上雍州致仕之表進濮陽留務之章
天子眷賴方殷遐征未許暫俾休沐冀起沈綿公感深知力
疾自奮高柔臥寢猶抱乎文書子囊遺言不忘乎社稷終以
積勤奄見薨落易虛哀哉公文武備具表裏融通始自長相
至於牧伯虛懷趨士折節獎賢苞苴不入施予靡倦凡諸懿
行史得詳書顧勒勲之制事歸於鼎鐘序悲之詞痛浚於梁
木含筆隕涕敬作誄曰

詩稱靡盬易著匪躬開物成務移孝爲忠勩相無怠篤棐有

恭鏘洋遺烈，絕熾餘風。命世興材，昌辰誕德。識宇凝嚴，靈襟
峻嶷。百里濯纓，九遷搏翼。膏雨歌郁，涉川資爽。岷峨西陲，巖
笮南土。贊普心生，形天干舞。盤瓠矯虔，瘳楊跋扈。駱驛旒旒，
頻煩錡釜。公以儒吏，歷佐戎旃。風車火徼，箐雨茅煙。電埽書
檄，霆馳表箋。猷敷上略，機握中權。公之幹局，入麤入細。公之
謀謨，九天九地。霸上棘門，股肱是寄。賓叟青羌，簞醪是庇。憚
瘡忘勞，曉瘖靡計。參觜消欂，夔巫廊翳。師奏愷樂，伯偃靈臺。
庸褒帷幄，業讚雲雷。八命作牧，六條察材。優賢揚歷，黜黜昭
回。婁光殊勲，載熙庶績。卞厲含瓦，陶勤運甕。填厠簿領，星流
矢激。戢蓄滯訟，豪剖芒析。惟公法學律稟，皋蘇不漏。吞舟不
察，淵魚道在。平反非止，煦濡

天語煌煌，公遵弗渝。惟公之名早徹，

帝聽出車南仲班師去病敷宣允推聲聞隆盛欽矚有基嘉
除丕定公之疋羸衣不勝幹籌紆寸衷功強十萬心總形茹
廢寢忘飯義感忠驅赴湯握炭神殫夙夜疚中膏肓柳莊疾
亟燭武精亾藥裹在手判書在牀弗躬不信遑敢不獲臣質
凋華臣心集木雖疲百骸猶炯雙目鳳落麟傷鐘鳴漏促昌
國云殂列邦同哭烏虜哀哉紆青拖紫接武聯鑣隨牒循資
冠蟬珥貂公績獨異公級斯超爵乃無忝功非倖邀仕流多
歧治理殊狀清靜爲高風流相尙公獨精勤嚴懲瘝曠始自
牽絲終於屬纊烏虜哀哉公階旣崇公祿亦優矯廉弗飾任
卹惟周蘭薰令問雪白清修桑無八百橘乏千頭公有佳兒
賤子所畏昆莫鋒銛黃中德粹文聚玉海書紬金匱不朽可
期淹晚非累先哲有言匪爵而貴公澤彌長公靈足慰烏虜

哀哉茸城機山體魄是憑蠶叢魚鳧精爽升騰僑終蹇謝市
罷春停社立樂公祠陪李冰播之穹壤祭於大丞用砥臣節
千秋感興烏虜哀哉

陸母林太孺人諱

維嘉慶十有四年月日吾友常州陸君繼輅生母太孺人以
疾終於里第寒泉堙流黝室改塋尺書來赴幾不勝喪烏虜
哀哉夫苴蘭之質以經燔而倍芳蒿莪之悲以述惠而彌摯
不有紀謨曷彰修名太孺人姓林氏諱桂閩縣人也系出盛
門幼丁孤露族有姑寡依以同居刈薪野中擊絮江上從夜
績於同巷分餘明於鄰壁雖絡秀之賢族列於方雅而湛氏
之貫史佚其淵源年十五歸於先丈補山先生是時方以翰
林改官閩越迭尹赤邑表德百城會配莊夫人卒蒙楚興嗟

泉邸乃聘太孺人簪蒿而至服綦以前上承威姑下教家督
歷襄凶嘉之儀獨綜陵櫟之務內外斬斬執禮無違迨補山
先生罷官里居獎接羣彥兆菴所曾諧際者有若洪太史稚
存孫觀察淵如趙司馬味辛餘尙多魁壘方聞之士咸以所
業來質太孺人手潔供具精糴酒漿樂飲極歡率過所望無
何先生奄捐館舍茹荼庀事儲淚撫孤論者謂先生曾記名
知府欲以四品服歛或以長君方擢知州可從五品太孺人
以爲僭定從七品諡宜爲惠足光柳下之賢衾不容斜善承
黔婁之志達識守禮同符古人矣當繼輅之始入塾也受孝
經論語太孺人曰若知熟此何爲邪將使若爲人如書所云
也稍長輒舉先丈所治疑獄命繼輅以意斷之不如法乃以
所判告周官之業預受於宣文陳力之風稔聞於班媛詩曰

君子有穀貽厥孫子又曰彼姝者子何以告之斯之謂已時則廉吏之後室無簠金通德之門巷多車轍珩璜琚瑀之儀捆紵均軸之訓或剡薦以給客或闔門而傳言閨範具瞻哲嗣騰茂繼輅始列學校洎登賢書光譽孚於勝流文采耀於門業羣公庶士牽拂相招太孺人念其負米之誠教以測交之道斯言之玷凜戒於曰圭責人無難尙詢於黃髮屬年開七十海內賢士大夫舉以文辭爲壽常熟女士歸懋儀詩云列鼎而食不如一簠非母矯情慮有盜泉太孺人獨心憲之卽其志行可知矣平居以厚處衆以儉奉身樵蘇常乏必謹筐篚之來璣珥不存用周戚郊之急年七十有五遯疾遽終嗚呼哀哉當其彌留神觀澹澹謂繼輅曰吾來汝家六十年於茲汝父廉平後當食報吾聞爲善非以求福然爲善求福

不猶愈於爲惡邪施予不當望報然施予望報不猶愈於鄙吝耶汝曹識之庶免浮薄之行乎清芬垂訓足補鑿楹之書名言不刊長流煒管之烈兆蓀與繼輅交忝撫塵誼敢拜母諫長之僭所不敢舜乃作諫曰

聖哲演教篇曰女師旣昭婦則兼擅母儀穹窿高門婉婉淑姬肅肅宵征實主中閨無諸之郡典城之長懸魚同貧酌泉分爽一官升沈萬里莽蒼持身持家以字以養曰有大事春秋窳窳曰有大禮儷皮束帛送往事居心祈手畫洪纖畢宜上下咸懌懌英髦踴踴閭左聯櫬倚裳合尊促坐整飭中厨肆陳瓜果咄嗟心勞精辦力殫猗彼賢妣嘉允篤生出就外傳辨志離經歸投母懷咿嚶誦聲春晝五餐宵分一鐙謂兒讀書不在章句謂兒立身先端志趣戒兒毋佻作色以怖

誘兒克勤溫顏以煦異時學成有體有用孝秀旣升天門待
疇所慮才高或不諧衆汎愛親仁危詞悚動食貧待養不免
服勞豈况縞紵有諸賢豪母獨兢兢訓之持操寧潔而飢毋
羶而饗動規往古篋有陳編衣必三泔施無新懸四壁風蕭
凝神湛然繁霜降節貞蕤益堅婦稚嬰媿執簪執翽羣從喧
阗或吳或敖片言成箴微詞釋躁一笑寥寥家人走告境約
心廣拯阨賙難任恤之義同危共安雖不以聞我力必殫或
有不逮爲之減餐坤爲吝嗇母乃慨慷兌爲和悅母乃矜莊
勁心後凋義延降康白髮盈顛斑衣滿堂世有姬姜委佗象
服世有姑媼麋壽通衆浮榮可同性分所獨何怪歸魂萬淚
棲目嗚呼哀哉體魄雖逝高風不殫流川惠問聳漢晉徽棘
心損疚風樹紆悲庶葆初訓靈兮儻來

文學姚君妻何氏諫

年月日吾友婁縣姚君建木厝其妻何孺人於紀家罇祖塋之丙舍以其兄春木所撰權厝銘示予而請爲之諫予於君兄弟石交素聯坤惠允悉內壙之文所不獲辭孺人姓何氏上虞人也誕澄粹之華宗稟淳懿之朗節韶亂慧照動與禮遊弱笄溫恭靜以義立効涉書傳雅好春秋賁道之稱待年已著父通判君與今方伯姚丈同官蜀中旣聯組纓遂締禽幣文伯卜室賦綠衣之三章臨城納嫺審外宗之七德妙簡貞閑足爲佳對焉當建木之迎婚於楚也時通判君移攝鄰縣以事被彈秣馬之禮初修宜狂之歌忽作孺人遽辭阿傅遠奉清塵父羈厝於三湘母分張于於越迢迢間闔屈壯志於緹縈籊籊竹竿軫悲腸於衛女含辛御輪之夕制淚施衿

之辰蓋窈窕之情既傷沈頓之疴由作矣逮乎執筭奠席鳴
環侍寢柔聲怡色上悅乎眉黎明識惠心下孚乎臧獲助德
理內允協福原而元穹靡忱美疢加劇營陵之術莫蘇久銷
之魂聚窟之香難迴積損之幹卒年十九嗚呼哀哉建木雨
絕之痛既深薜英之思無已追懷馨烈緬溯徽華鳴雞問疾
之恩相鼠諫夫之義言猶在耳感不去心徵文抒哀銘旂表
德來芳可述諫之云爾

性芬揚蘭德穎振玉吁嗟之子行幼年促越溪稚質宋子河
魴婉情同春明景皎霜阿錫妝嚴絃經藝綜馮嬖史書惠班
賦頌教成而祭宗室羞蘋女子有行難辭遠親吉儀方肇家
艱云邁宿涕神摧陟阿心疚褫帶就洊南瞻楚邦錢唐曹娥
東望兩江叢花障扇櫟佩含風組舞驂駢窳房櫳桃李盛

年苞栩至性涕擊沾衣蛾脩鏤鏡嗟晚質之易凋兮况煩冤
之鬱抱觸炎風而涉川兮蘊悲情而見廟相夫猶勤慰姑仍
笑免蕤飭厨綸繩佐釣之子體痺問之輒諱君子遭疾忘身
以衛景施施其欲匿兮帷淒淒而動風羌殫殫而將逝兮猶
髮髯之修容乎瑜華收衣簪香炷信百憂之傷人兮何華齡
之可假嗚呼哀哉高堂擗標兮娉媼拊膺潛隧旣敞兮掩彩
重局繫淑慎之善懷兮家孰內而孰外或言告而言歸兮固
殊分而同愛彼思親而危身兮豈孝思之能匱嗟蒼昊之寂
寥兮何與善之茫昧嗚呼哀哉玉寒泉薶隴幽光映柔顏帶
目規詞留聽華落英存聲流問令眇四節其代序兮託神檢
於遺詠

節孝張孺人誄

孺人姓張氏居吾州之西城曾祖來吉武舉人官泗州衛守備祖淵武進士侯推守備父燾例貢生孺人年二十五歸於州處士王君之經王君出爲其世父後結褵二年而亡孺人事嗣姑及本生翁姑以孝聞無子以從子士麟爲後教養成立今嘉慶十有七年冬孺人以疾終年七十有七計守節五十餘年明景朗操里黨欽歎平居訓子以義持身以儉好讀書尤熟史事尙論忠孝激越奮發如烈丈夫著有椒亭詩一卷士麟以狀來屬銘於子以爲嬪則以待旌門誼不當卻爰作誄曰

風詩共姜春秋紀姬宣聖特筆日星昭垂二百冊載邈渺等夷恒貞經訓高蹤允稀辰彼女師清河之媛嬪於太原門高士彥職謹滌帛養勤視養綬訐聲無愉柔色善弋鳧贈佩侍

櫛鳴絃馨質服蒞令儀采蘋所恃奄俎聖戶迫艱志守陶嬰
賢追義桓呱號在懷煢子留影雨晦夜漫霜嚴目炯送往撫
遺育生安冥祖奠遣車規畫井井姜教庀業班訓遵衢女乃
士行文而又儒紡甞篝火授簡陳書機聲讀聲風淒一廬勤
勞弗憚撒搗自力謂當貧辛敢畜臧獲桂御華鮮鍼紉旋裂
中饋漿醅宵闌刀尺田僅廿畝納程必勤書誦百卷邪詞必
焚馬班事貴屈宋香薰抵掌盱衡千秋正人嗚呼哀哉微嫩
丕彰積齡難駐竹筠松心式瞻行路節惠抒詞煒彤永譽綽
楔標楠蘭芬竚布

蔣竹雅妻陳氏諱

孺人姓陳氏諱芳雲元和人永齋觀察之季女也毓粹洪族
含芬幼歲生具端範斥華丹之塗性嫻雅和絕差訐之事長

歸同里蔣君春藹上怡尊章中協先後旁模族鄧下孚儻覆
纓彼慶善風規穆宣賦質素晚諸自強力二女甫孩益瘁鞠
育年月日歸寧母氏感疾遽終年二十有八奄厄之辰姑適
疴作頃戀仰系不去於懷婦貞恒德女有士行不才著而
言才者莫尙焉蔣君爲余外舅時菴先生族子孺人同懷兄
兆賢又嘗從學於予書來請銘因不獲辭諫曰

攸遂易規無儀詩做人飾其容妙飾其性月望占厲休蠶恧
正斧之藻之克柔克令展如碩媛高閼祕儀浚源琬潔馨度
蘭倚納順待年申防自持有贊其實華德兼斯衣被纁栲禮
交沃盥執棗西階升豚側胖施袞承尊熬臚謹爨同聲瑟調
戒夜星爛慎爾出話金玉其音密緻正直塞瘞淵深語屏忮
武功劬組紆外莊樸獲內映明心矯弱而恭返夢以約璣珥

華蠲桂裳鮮卻稚介羣諧娛姁允若翼翼矜矜式彼桃薄惇
寬怙篤宜基壽康司化莫晰匪祥而殃癘瘵瘕癘瘕元黃
瓊田乏草西域無香嗚呼哀哉堂北酸銜榮南悲觸斷手兄
嗟扶牀女哭侶坼鵲枝愁撐魚目爨札書徽川流遺馥

汪孝婦哀詞

長洲孝婦吳氏嬪於汪居蕭家巷年二十卽隕所天貧無宿
糧息止弱女皤皤尊章癯老且病婦代子職躬服其勞素嫻
詩書開塾講授藉脯脰以給養供菽水而靡缺鄉黨翕然推
其高行嘉慶十二年十二月十八夜比鄰不戒於火融風旣
熾將燔及廬翁挈女孫先走出戶婦旣翼翁以免姑抱宿疾
猶寢於牀婦復入屋背負姑出煙燄旣合鬱攸從之遂并其
身殲焉質明火熄行火所燬焦爛之中肢體宛若其見婦手

抱姑不釋彼以義忘其軀天以死成其烈萬眾感悼填衢溢
邠邑中人士將白當事邀褒錫之典廣徵詩歌道揚奇節圓
顱方趾疇能不悲敬述厓略而系以哀詞曰

抗古今而衡節兮疇璧碎而瓦全有冒刃而謹免兮有拯危
而體捐揚烈芬於委灰兮發繁音於絕絃彼君親赴難其一
致兮初何計乎探湯而蹈淵翳婉婉之淑靈兮愧形單而寤
標瘁形神而頤翁姥兮既餐荼之莫告胡滌膺視膳之尙不
獲遂其常兮又昊天之不弔憮譔譔出出之告災兮駭天跳
而地蹕飛燦燦煜而紛屬兮各走覓乎逃門幸一老之先身
突兮念威姑之待援奮輕軀以排闥兮承龍鍾以背肩電光
熾殫迅其四合兮束身手而同燔茹煩冤於良燼兮魂應叫
乎九閭睠庶女之訴哀兮天猶爲之隕霜何匹婦之精誠兮

不爲反風於撞塘或炎官熱屬之實陰相兮俾身殉而名彰
帝閭陵兢其不可叩兮淚流衿以浪浪昔上虞之救盱兮投
江濤而必果厲猛志以偕亾兮視頂踵猶塵垞一父而一姑
兮一水而一火合千載如符節兮夫奚分乎彼我痛齊民之
薄媮兮孰姬姜而至性子褻勦有德色兮何惑乎婦安常而
掉磬彼箴管纖纈之猶有私兮况髮膚與身命苟聞風而悉
興起兮又何難巾幘而獨行循燒垣以周視兮痛煨燼與燁
炮猗一坏之焦土兮行綽楔之高標定孝竹之生其墟兮兀
冬春而不凋歷萬齡而聳幹兮障炎威於太霄

丁奕墅哀詞

君諱昌瑞字奕墅予兄之子壻也子襄精敏弱慕儒宗孝公
貪書長嫻經術自隸博士益勤修業僻處鄉曲罕接勝流並

時經生撫華忘實君獨嗜古殫精振奇聞有良書飢渴購讀
羣經故訓諸史軌範文章流別百氏塗軫環絡窺研略皆淹
貫卽其經藝已足冠時重親在堂有藉祿養屢充秋賦奇隻
不偶侘傺沈屯積成銷鑠咯血而終怛化之時眷戀遺籍湛
深弱苦標尙可知電碎霜凋室吡衢歎予忝戚黨且符志趣
搯腕悲悼九倍恒情撒涕濡豪爲之哀詞曰

猗翩鸞之下儀兮羌有吡而有翔彼旃檀之醇醑兮乃或沈
而或揚緬元造多舛迕兮視我辰之所當儵蘭萎而芝焚兮
淚沾膺而淋浪眾鱗集而龙聒兮競制舉之遴鶩甘齷齪而
飢餓兮跼壽陵之故步卓子志之英絕兮掇高軌而遐赴振
孤蓬於羣麻兮寶螭彝而斥瓠稽成博之古諸兮騁連狝於
學林軸充箱而照軫兮寢饋哀而浸淫爛崑圃之夜光兮採

驪淵之千尋割膏腴而入鞠兮中莖韶而奏音嗟純鉤如列
星兮世何人其薛燭絜腰裏以服襄兮痛明珠之彈肉狂椽
欒而婁頓兮韜鼂采於和璞俄脩夜之不暘兮萌咎徵於賈
鵬當廢牀而去瑟兮猶縹緲之繫情傷析薪之乏荷兮夫誰
發乎晏楹念奇意之弗終鬱兮或曠雲而霄征將儕真靈而
賦新宮兮招君魂於紫庭

洪北江先生畫贊

并序

夫元精耿貫故緹油之業彰焉光岳孕正斯琨玉之操勵焉
是以勁節峻峙多兼閎達之學鉅儒魁壘必裕骨鯁之氣然
非邁際軒姚蓋容天地盛陵矯邁扈之治豐刻几勒虞之規
宇宙爲心山淵恢度則秋霜懍皓與明月而同碎崇蘭郁烈
入委灰而不芳又何論乎曾史碩德游夏文藝鼓鐘震呶茵

藹竹帛也哉先生姓洪氏諱亮吉字稚存陽湖人也幼挺淳至早標峯崖九齡而孤侍母浮寄仇氏嚴擁楹之訓子與軫搯臂之感幅將畫正沃湔其敎星奔雨泣幾隕其生固已絕跡高軌天懷發中摯性越於皋魚巨孝稱乎江革矣學成道通洞經綜史析蒼法之隱曖究聖壺之阻奧邱董萬古裁制於清衷乾坤兩戒牢籠乎指掌譔著蠡出富於縣巖之積纓揭駘仰過於北面之宗旣乃去卑潔翔閭衢待詔金馬通議白虎珥彤紬書校理窮匱室之祕握籒籀士道術被參井之區循其階資紉以年歲榮牒顯級翹足可須而先生以爲行義者前哲之上務文章者報國之餘事思竭謇諤之忱用裨塞晏之化龔值

天子席蘿嗣構關續納言復旦方歌刑干猶舞濟師者遲撥

麴刺蜚之績聞捷者塵虛晶繆彰之慮感發蒿目誠切披肝
又以執白簡而抨事同出位伏青蒲而諍職異南司爰迺騰
書鈞衡冀達黼臬亢激旣過狂慙遂忘勲華幾勃忽陳弱違
之詞賡颺運隆遽有宮隣之戒僉謂罪儕誣罔分合灰釘先
生亦負鑕煎膏靜待嚴讞風神元定處之彌泰卽其志膽固
冰顧鼎鑊矣伏遇

聖主大德容下暢垓汭埏曠蕩推恩昊綽宏量恐杜獻替之
路并寬左校之輪宥以遠方曲加含貸於是夸父禺彊之域
梯棧前蹤革抉跋芮之儔札紼就列濯靈襟於伊麗之海聳
壯矚於祁連之山將謂老烏孫之庭絕玉關之入淪浹荷戴
已足平生而

當宁寤寐嘉猷延佇忠實屬有桑林之禱載懷衢室之問念

汲黯安發義歸愛君任座抗行益彰主美隨沛雞竿之赦俾
免馬角之戚尺一初頒寸霖驟霽叩心非鄒衍故繁霜不飛
雪冤異東海而旱魃立解因復潢繕諫牘儼諸巾机之銘覽
思苦言更廣旌鼓之設汪汪乎葢緝萬嗣揚洪徽扇懿鑠已
昔崆峒順風之請華封乘雲之拜咸稟叡哲采言芻輿羸劉
以降亦聞側席引裾折檻前規可臚然未有跡涉詆譎論非
封事不辟丹墀之戟逆過批鱗如題朱雀之門咎踰齒馬而
能受同藥石佩比韋絃藪納川容嘔痔嫗掩彼晉武宏裕弗
貽劉毅之誅漢祖深仁無恙周昌之直以視今日何足萬一
相方哉然則先生節概古人有之先生遭逢古人未覩也曷
虛偉矣旣歸家衡字曰更生百軸千函定藏山之裘春林秋
澗和擊轅之歌勝流奉爲嵩衡薄海瞻爲模楷兆蓀較晚捧

手忝預攬環聆卷霧之飛談挹籠霄之勝氣審司農之卷誦
覽八千見扶風之堂門徒四百梁摧奄及曾不憖遺先生長
君飴孫榮郁繼聲後先濟美剏石揚善碑諫林立復出遺像
徵及鄙文夫樂陵曼倩孝若興異代之思東府希馮子淵有
古賢之頌況於承接音塵周旋喬梓昭銘景行敢謝拙詞因
作贊曰

不朽有三德言卓爍播挂彝常淹貫邛索延陵雄腴川壤磅
礪資淑蘊英先生爰作孤露遇屯煦濡母令翦鬢書陳鳴機
鐙映誠動噬指毀鄰滅性儀型參騫方軌薛孟電飛景拔移
孝成忠豕涉學覈駢原選公意雄履虎地隔乘驄猥以詞臣
蹇抒匪躬鮑恢抗直鶡觚貞讜史效獻規危寧觸網瓦石獨
含槩梗孤往命輕鴻毛義貴熊掌優絛亭育靈囊大包苛除

燒解虔鞏謙勞虛左謗木高懸戒輶薄譴過釋渥澤醲膏坎
穴化夷焦原坦步隼逝飈迴繩行沙度亮跡遐欽傳書滂布
典語法言玉栢繁露東觀接武守缺保殘疇宏述作捃逸窺
刊呶訾塞默醇滴樸剗疇樹風檢吐赤傾丹昌辰幸丁馨烈
遙駛永世作程穀詒綿祉貌留丹青名炳圖史隙駟雖徂聞
風庶起

黃忠節公書贊

并序

嘉慶陷陽作噩之歲涂月嘉定盛明經薰以其鄉先生黃忠
節公所臨于祿字書勒石拓示勁骨端嚴毅力蟠鬱楷模魯
公蓋由貞軌亮跡神明相契非在點畫波磔間矣兆蓀近公
之居誦公之書比復見公所著日記悉公研幾克己之密淵
入聖域精兼梵修此中湛然同符大化其碩學偉詞成仁授

命特性分發見之一端耳展諦翠墨如接光靈再拜聳敬而爲贊曰

虹光燭霄正氣出指盈牘鋒稜千尋壁峙公文彪炳公節雷
礪存養有本心源微茫大輪小乘旁研洞鏡歸諸孔顏窮理
盡性無入不得隨變所遭鋸鑊飴視靈臺弗搖巍峩膠址珍
爍遺翰亙歲綿齡星芒雲爛

鮑貞女壙銘

鮑貞女者固始人也自其亂歲許字董氏值歲大祲鬻身爲
傭墨車無堂著之俟谷糴有什偶之歎流轉遷徙入於吳門
沈觀察家觀察時牧許州俛厠臧獲精慧趨事潔白範身馴
至弱笄將謀擇對女乃長跼涕泣自陳衿纓之繫屬當年有
夫禽幣之委輸今日無二主雖有命弗敢以從曲喻再三瀝

血自誓觀察高其義憫其情於是出零丁之帖爲求故雄占
遲歸之爻以蘄終吉旣而耗問沈寂存沒間阻女遂矢志秉
節以終內存匪石之固外絕白圭之玷酒漿醯醢勤職於燁
胞芳澤璣珥不關於念慮冰潔霜整歷卅餘年觀察第五子
中立予妹聳也旣傾乾蔭家落屢空女依以居忠謹奉役餐
荼堇而無悔葆松筠而益堅姻黨傾風扈養起敬行年五十
抱疾長畢夫頌陶嬰之操猶屬旣昏傳伯姬之貞蓋由貴胄
女以庶賤生長草萊目不覩詩書耳不知今古師心率已蹈
德成仁豈非稟懿三靈天知自致者歟中立旣經其喪復爲
卜兆於某原屬志幽宮以彰朗節夫西道縣治之里曾表龍
憐東京墓闕之文亦傳羅鳳變禮台義於法宜銘辭曰
猗淑質生貧辛璧蠲潔蘭馥芬丁游饑失所天役筭帚屏羅

統志守一安焚單聞媒灼哀泗濟四十載持身全睠春花落
無言懷正氣罹膏肓遽殄殛悲爽傷留清白垂篇章刊石銘
永億年

文林郎署蒙自縣知縣尤君墓表

君諱維熊字祖望長洲人也曾祖怡以詩名學者稱北田先
生祖巨源增廣生父世楠乾隆乙巳恩進士就職州判舉孝
廉方正授六品服行爲國楨學爲士楷豎思歎仰萬流翕然
君夙前義方長擅才筆奇章秀句風飛川涌以乾隆乙酉拔
貢生授淮安訓導秩滿膺薦簡發雲南知縣攝宰蒙自地當
蠻犛俗麻言厖始惟彝獮所居今則寄莊並藝其民田客主
旣穫姦利叢生乾沒侵牟術取勢脅土著之生計日蹙僑人
之隱占難稽弱則含茹強則訐訟君乃躬履鄉落釐定置區

阡陌鱗分戶口秩若經界旣正貪冒不行杜爭一邑溥利百
世其士習荒於嬉或睨胥徒其農工商瀍於利多至黜嫚君
乃作四民之箴爲月吉之讀鵠臬不鳴桀黠咸化又以民獫
羸錯輕起相牙欲以古儀俾之觀感乃舉行鄉飲酒禮肅賓
於听禮成於晡揖讓雍穆童髦欽瞻誘掖浸淫囂競衰息君
謂人心終古不弊教典終古可行俗吏迂之識者躋焉君之
官時先德猶在子舍萬里煩腸九迴紆鬱嬰疴移疾遄返歸
甫期歲遂丁艱棘槩儀傷瘁益不自聊越五年而君卒時嘉
慶十四年四月也年四十有八君神識通明機悟卓絕詞翰
之外兼長幹局婁爲節府延典箋奏在官無一年鄭阿之譽
洽於萬口前內閣學士尹公時方在籍尤亟稱之生平篤倫
紀厚交游外若通脫而內守廉隅細行不具書書其大者君

始以雅材眇指馳藻藝林後乃寢繩履程棲貞宅正將以還
瀉反樸匡俗濟時希賢喆之高獲光貽穀之潛曜天不假年
未竟初志恒化之日僅舉詩詞屬爲點定今陳大令鴻壽爲
刊於溧陽嗟乎世可見者止此而已予所知者蓋有在也子
二培均皆習儒業克承其家旣葬矣思琢元石以篆遺德爰
爲之文而系以銘曰

以爲才士而醇儒以爲能吏而良師牛刀一試天南隅涵停
秩積蘊未舒遺書寸袞鏘瓊琚真知者誰吾涕泗

署京口營副將京口左營遊擊吳公墓誌銘

公諱坤字振華姓吳氏其先由常熟遷太倉遂爲吾邑人昔
西京番令嬋駿烈於韓彭東漢忠侯儷威名於耿賈珠鈴玉
帳夙秉宗風劒氣弓聲家傳聞寄公生而軒特長益魁奇武

節剛方筋骨秀出參連剡注射法本於天弧方卦圓著營圖
原於太乙深識九變妙察六韜校旗而審軍容望塵而知敵
數字文深累石作伍卽解指麾薛世雄畫地爲城便爛攻守
拔身隊率入選材官以捕洋盜功補劉河營右哨千總地當
海若孽有水僊獨以熊豹之姿采入鯨鯢之窟衝波畫鷁不
避銀山沸鼎游魚咸歸鐵網乾隆五十一年臺灣林匪滋事
奉檄統卒轉餉軍前擊楫以行破浪而去黃龍青雀海童慄
琅鐸之聲赤豹文螭山鬼避星旄之色乃得方舟輓粒泮水
蜚芻甲士飽騰針程迅駛以視寇恟河內之輪宣武金鄉之
運難虞旣倍勞績尤殊歸膺保薦擢劉河營守備復以協獲
鄰境盜功遷高資營都司攝上海營遊擊令嚴宵肅中天之
明月孤懸烽息桴停如練之澄江自曳時兩江制府書公孫

公後先秉節角試程材覩白茶丹火之容動細柳長榆之想
爰以國爪洊陟高牙嘉慶元年授京口左營遊擊三權本營
副將事彈壓滄瀾綏救湖海吳根越角心規成掌上之形火
艦風船手畫定師中之律班聲殷地秋高而陣肄貍劉巨浸
稽天颶怒而防嚴鯢渚領南徐之雄鎮乘北府之樓航徼巡
於鼇背鯢身出入於蛟涎蜃氣營先芽蘖奸靖萑蒲文鯨不
飛鯢壑之蜺幬影靜腥鱗咸戢魚麗之鳧藻歡多方將鉦鉞
昭榮彤盧褭錫而雅慕冲挹謝拙邱園遂以老疾乞休卜居
東郭幅巾窮巷有羊公白士之思匹馬郊亭無醉尉霸陵之
憾綠沈金鎖忘舊日之將軍雪刺霜豪作太平之父老師貞
丈人勞謙君子蓋兼之無愧矣公勤以練士仁以馭徒緝札
精嚴戈鋌犀銳程其寒暑勞逸同其飢渴安危謝尚則躬自

分襦鄧訓乃身爲煮藥鄂軍家事悉關公綽之懷衛卒夏番
願報寬饒之德以故裨升偏校騶卒鈴奴雖當釋紱閒居猶
復心歌腹詠立燕齊之社共憶樂公騰酒脯之謠難忘祖述
生平敦任卹崇樸淳進止攜恭被服儒素婁師德河蘭大帥
獨傳長者之名馬文淵浪泊豐功恪守善人之戒嘉慶十三
年月日卒於里舍無疾而終五夏鼓角望猶重乎龍驤一夢
瓊瑰兆驟符乎狸脈何怪乎虞歌引路水犀同務面之哀大
樹周霜擗馬振驚星之響也哉公生於乾隆十年月日年六
十有四子二鎬湘孫應桂鎬喜聚書尤善才譽晉侯軍尉育
祁午之佳兒唐代將門得來恒之才子陰德昌後其可慰已
以嘉慶十八年月日葬於石浦之原嗚呼燕領不封穿冢乏
祁連之象馬鬣長在墮淚看江漢之碑銘曰

右鉞垂芒天鋒示緯世有干城精符匡衛南沙挺英中涓拔
萃飲羽鳴絃絕塵踈轡風后鳥雲軒皇鵬轍六術五權參微
洞祕攤鐸拱稽戈船下瀨易威以慈寓寬於厲挾纘拊戎投
醪洽惠望薰如歸瞻麾樂隸瀛島霾澂雲帆糧饋上賞弗邀
恬衷自貴耀冕舜蟬縫裳愛芟竹陽支銘田翁把臂山情方
曠壑舟遽逝舊部泗眇連屯實涕武達文通昌其賢嗣韎韐
之倫視此幽隧

國子監生吳君墓誌銘

君姓吳氏諱鏐字穎叔吳江人也秀氣孤稟聲逸夙成當聖
童之年茹風木之痛銜索抱疚從燔含悲沫泣隕心馳芬至
性長益脩飭動無譴瑕衛叔寶之神清荀慈明之外朗不攘
六鑿寡欲五綦屏居小樓坐擁圖史博昌六箸之經厭譚竹

究宏景三層之閣但聽松風雅好蓺花遂嫺寫貌步趨熙整
調冶鉛黛沒骨著紙穠春滿堂口不言金錢手不捉珠貝惟
於璧友珍等連城高似孫之所箋洪景伯之遺譜露宵旭旦
諦玩摩挲月窟潤通元雲黝而下布玉池泉溢涵星粲以相
輝於時刷滌几格翦無纖埃澡淪襟情湛若止水蓮衣蘭佩
韋簋爲逍遙之公琪草金徽周朗在羲軒之世百味無嗜獨
耽酪奴燭盞候湯妙具神解曲室晝謐閒庭景妍沈沈霞脚
展北苑之一旗習習清風生玉川之兩腋素韻高寄希蹤勝
流由其胚孕潔蠲唾斥腥腐濯笠澤之波明琅作質得天隨
之性芝畹爲家仲宣體羸威明奄化神聰蟻鬪咎徵鵬飛嘉
慶十七年月日以疾遽卒年二十有一君娶於沈時方有身
君兄雲璈悼鳬沒之速極錫原之哀於是祝南孺子之舅卜

鄭小同之長旣以自藏宋研納棺以殉復徵銘諫儲示遺孤
挂延陵壠上之劒類彼高懷碎子敬靈牀之琴同其咽塞旣
而繡紉裘玉珍珠帖纓弱女慰情髮笄待誨是又小年纖素
未詠於左思異日荊苔有煩於庾哀矣古者高士之傳不必
擅雅材獨行之史不皆著奇節卽其標格風尙足可矯俗勵
頑况乎讓瘦推肥分枝坼翼生共姜肱之被歿慟僧謙之靈
友弟行敦天倫宣範稱非無美銘法奚乖辭曰

高齒長檐綺襦紈袴少年之場跡弛罟駕君乃持躬譁祛囂
謝遂氣汪容紉芳佩麝蹤踟格五挾彈攜壺佚遊之藪鳥集
鱗趨君乃守寂縹緗茗鑪腴研道味靜協禪癯泊如清操凝
然元旨才薄佻華風懲俶詭電爍曇凋霜摧綠委玉樹可埋
幽光永煒

卷之二
三
亡妻蕙君蔣氏埋銘

亡妻蔣氏字蕙君長洲人故康熙癸巳進士廉州府知府諱
杲之孫乾隆乙丑進士兵部右侍郎入祀鄉賢諱元益之季
女年二十歸於子事先考寧武公蘭階府君先妣孺人滑氏
蔡氏婉愉祇奉咸皆慰怡繼而存丁閔凶兄嫫祖謝弱弟兆
蕙庶母洪生洪又早逝子故產盡斥傭書客遊亡妻暇勉有
無規畫鉅細撫叔如子壺儀秩然頗嫺詩書而吟咏不事謹
節絲粟而腹臘必豐僕媼雖忤意無惡言樵蘇雖窶空無懟
色安約茹勞心力瘁瘁時嬰疾疴卒就沈頓以嘉慶二十年
九月廿三日終於里舍年四十有七賦性明達綜理密緻度
物凡事悉有常度鉛黛不御敝衣數紉視浮俗榮利泊如也
蓋其先世累以清節偉望矜式中外亡妻孺染遺訓識近上

流雖生高門不異蓬戶予卅年來胥疏江湖矜慎一介貧不
隕獲賤無怨尤實賴亡妻是相是輔嗟乎嗟乎而今已矣卒
之明年十二月十一日爲卜葬於先塋之右銜酸濡豪銘其
埋曰

人間累先我釋地下親先我卽百歲後應同穴刊尺輒永埏
室

河南懷慶府黃沁通判畢君墓表

君諱繼曾字承業又字研山前候補員外郎瀧之仲子前太
子少保兩湖總督沅之從子也資華崢嶸門挺淳髫幼魯叔陵
之經術扶疏于家庭主子淵之文詞卓越乎黼黻年十七補
縣庠生乾隆四十二年選拔貢生充四庫館校錄鳳出丹穴
將騰集梧之輝駒驤砥礪定騁籀雲之足文與命迕屢見淹

沈遂謝承明之廬屈就上綱之任歷官河南山東州同通判
房恭懿之能官美聲于毗贊朱伯厚之疾惡懾魄乎姦猖在
懷慶時沁河異漲君集夫冒雨竭五晝夜力焚隄得完黃沁
向設運料人車吏索民累君爲裁減宿弊以除王尊當流犯
難陽侯爲之歛威劉頌息役利農綱領成於久任卒以積勩
致嬰疾疴嘉慶十五年二月五日終於濟寧行館年五十有
四潑源櫛沐之勞齊勤于臺僕威明殂化之痛淒極于親疎
天長景促吁可悲已君孝友肫篤內行盡倫始以續學瑋詞
冀紹前業終乃摧伏顛頓僅就中銓亭伯文章位終邑宰公
明才藝仕止郡丞古人所嗟君同之矣配劉氏子五人毓珍
韞珍楚珍儒珍家珍以嘉慶二十一年三月五日卜葬子州
境潢涇之原毓珍等旣乞其從父憲曾爲文志墓復屬予表

其阡予與君孔李之交誼敦于卯角京兆之試同歎于曝鰓
追憶平生宛然心目宿艸車過流涕黃公之壚西隣日斜聲
愴山陽之笛輒復書石延垂後賢

祭亡妹文

維嘉慶二十有一年七月二十三日期功兄兆蓀以清酌之
奠祭於亡妹湘蘅之靈嗟乎吾妹汝竟長往斷手折足無逾
此哀汝素羸病屢危而安今茲綿頓猶冀全活冥茫真宰遽
降斯酷吾門凋單連喪兄姊同母惟汝又棄我去獨存奚樂
觸懷皆傷汝七齡時隨父官舍夙秉神慧識悟超絕綺襦釵
鐲閨閣所翫視如土苴獨耽詩書旁擅繪事其於文字流別
古人性情妙解默契有過於吾訓遵無儀潑自韜匿長歸於
沈門穹族大汝能承順譽孚親疏既而衰落餐茹荼蓼人所

不堪何況非習而汝怡然黽勉無懟相夫勗子俾忘其貧名列舉選聲問光著一門熙熙在約而泰支拄艱阨功歸汝身心謂淑德宜膺昌延何天不祐奪汝之速嗚呼理數究何可憑我父我母愛尤汝鍾孝亦汝摯懿質嫻行足光我家九原先靈今見當慰我丁孤露與汝同苦胥疏奔走懂而獲存比十餘年未得迓汝汝每思歸言輒於邑追思痛疚但呼負負汝嫂之亡汝哭甚哀我恐汝病轉相慰喻豈期汝喪纔距十月家有季弟長未見汝書來極悲矧在於我我生不辰憂患叢集年垂始衰殯若老髦未知於世復得幾時旣已哭汝行復自念我無似續然孤危汝雖先逝門業有賴冥途思我必還累欷汝病方劇我客大府出入之限畧等關閤省視湯藥祇得數面咫尺間阻未視彌留聞耗馳慟亦復何及汝逝

之夕節樓鼓嚴戒闔留鑰哭汝而返展轉夜闌魂入我夢彷彿言別覺而滂沱稠人衆中強勉酬答空齋靜念淚曷能制茲距汝歿廿有八日雪涕致奠悲不成文九地九天汝於何所靈當來歆鑒我酸惻

裴卿遺草跋

文學畢君楚有吾友季瑜孝廉之次君松心孝廉之仲弟也劉畧班藝博綜於觴辰夕桀重差笏研乎綴術咸謂騏驥致遠繭犢負重而童易之元方與赤蚪之版遽來遺詩叢殘得諸故篋環詭惠巧折裂騷牢片羽碎金無慙作者季瑜悲深夷甫慟過陽元手其寸編授予論定竊以蘭芽茁茁風雨奄其摧殘夏綠春紅霜雹於焉凋碎由來夙悟多眇遐齡觀其悵悵述情朗麗哀志歌離弔夢海思雲愁固已芥視浮生蟬

蛻穢濁蓋長沙賦鵬早知合散之因子晉吹笙別就真靈之
業矣夫心在影徂幽冥弗隔彼瑠璫夜月青箱臺城之詩綺
路魚車少霞新宮之禍次君慧業殆其等倫人間可哀天上
差樂卽茲賸馥足證仙心聊假齊諧之談以釋倉舒之痛可
乎哉

孫古雲四十初度序

夫鑿坏負釜詭激戾乎經兼朱重紫熱烈乖乎道惟夫得天
元純囊括道器薛袞一致浮雲無心進則豐貂高蟬仰齒圭
組退則翔鴻蜚蠖卷跡氛囂瓔環不羈巾褐無悶是則韞韞
恬漠趣近懸解可以得薪保耀識真全年者矣古雲襲伯方
琮有光圓璧無類以平津之胄紹景風之封當其頡頏金張
焜熿帶礪小侯捧手大橫佩刀甘泉長楊俠侍乎六蚪期門

羽林並馳於四校雲搏水擊葉矯風憑宜春陰安之號儷其
華資長羅射陽之褒方茲尊遂及乎收簪解籙結宇依林迹
塵鼎鐘思在邱壑襲赤芾以蘿裳易朱輪以下澤糠粃顯路
雪滌素檢稱甘茂之名孫爲封人之將母白華朱萼潔膳馨
蘭儒宗元侶儔朋結轍物飽其義世無間言暇乃託意紺軸
寄情豪翰詩書以養恬岩岫以復樸暢達情性節宣慘舒所
謂匪祿而康匪爵而榮風力方邵之任讓諸俊雄疏班邴魏
之規希蠡往籍甘芻豐秣不以繫其逸鏹跡隱曜無足汨其
和油然順時內外偕化得其環中以應無窮昧者皦躁者靜
味道頤履澄懷寶氣不將不迎容養淳淑因以爲攬寧因以
爲純常啓期林類未足相偶老商伯高豈遠人哉四十盛年
九秋元月降祥之辰萸芬鞠醇庭怡聖善戶集羣雅君其引

觴子贈言者